

全史詳校

伊8
2611
10



門
號
卷
2.611
10



金史詳校卷九

烏程施國祁學

卷一百十

楊雲翼傳

簽上京東京等路按察司事 案食志八年八月有言一
貫以上用鈔事選志又言別路書吏薦申選補事傳並
略

遷翰林侍講學士 遺山集內相碑作侍讀

廊廷帥臣 廷元北並作延是

正大三年 三當作二

雲翼乃建言曰 案雲翼諫伐宋奏議在泰和初年元碑

羊交九傳

可據史家乃改屬貞祐中未免牽合

弓箭之手在西邊者 之手當作手之

勾股機要 股北作段非

趙秉文傳

遷翰林修撰 此下當加考滿留再任 案遺山集閑閑

銘云又溢水集有甲子元日早朝詩當為再任時作

十月出為甯邊州刺史三年改平定州 至全活者甚眾

六十六字當改入下宣德果以敗聞文下 三年當作

二年 案溢水集黃河九昭序云大安元年予出守甯

邊湧雲樓記云大安二年夏四月來蒞平定 遺山集游懸泉詩注



云閑閑守平定于大安庚午來游 故元銘序入敗聞下與序記皆合若

依傳文則大安元年七月竟作泰和二年十月大安二

年竟作泰和三年矣有是理乎

坐取進士盧亞 亞當作元 案此科為興定五年見李

復亨傳與正大四年之盧亞不同

金自泰和大安以來 至而秉文竟以是得罪 一百二十

四字當削 案元銘無此文乃作者漫引歸潛志一條

以助波瀾而不知年代之誤試問秉文以是得罪為盧

亞乎為李獻能乎無謂之甚

五年復為禮部尙書 五年當作未幾

日以時事為憂雖食息頓不能忘 日元作日非 頓元
作頃是

號滏水集者三十卷 三當作二

韓玉傳

其先相人曾祖錫仕金以濟南尹致仕 仕金二字當削

案九十七卷有韓錫亦以知濟南府告老惟為漁陽

人與此相人不合

又作元勳傳 案世善堂書目云十卷疑偽

有臣子之當然 然中州集作為

馮璧傳

四年 此上當加泰和 案見遺山集內翰銘

淡剛 淡當作談

五年自東阿丞 五當作七 案此泰和七年

總領撒合問 問當作門

四年以宋人拒使者於淮上 四年當作興定三年

故兵所至 兵上當加大

李獻甫傳

至以歲幣為言 幣北作弊非

雷淵傳

閻巷間 閻北作問非

例廻谷之役 例元作倒是

擊豪右 擊北作繫非

程震傳

召百官 召當作詔

卷一百十一

目 古里甲石倫 此下當加注粘葛全周蘇椿

內族思烈 此下當加注王仲澤

紇石烈牙吾塔 此下當加注康錫

古里甲石倫傳

詔禮罷職 案烏古倫禮傳無文

當大軍初入 大北作太非

就其糧五千石 千北作十非

權元帥右都監抹撚胡刺 宣紀興定二年十二月作右

監軍胡魯刺

本欲視朝廷以已有兵糧 視與示同

而執政以為賞功罰罪 罰罪北作罪罪非

清擣敵壘 清元作潛是

又召甯邊軍節度姚里鴉鶻 案地志甯邊州貞祐三年

隸嵐州四年陞防禦或興定間陞節度耶 又案此鴉

鶻即伯德窠哥傳之鴉胡初除甯邊節度判官後奏權

同知武州節度者第兩州皆刺史而並稱節度殆以兵
事授官倉卒陞置故志不備列也

六月遷金安軍節度使 六月二字當削 案文上已書

六月

圍青龍堡 案胡天作傳同地卽霍州見王佐傳

珪因持在州軍馬糧草數日 日當作目

正大二年九月自大名奔汴 九當作五

紀

完顏訛可傳

時有兩訛可 案紀傳中所載訛可不一攷紀興定三年

十一月同簽樞密院事行院河北正大六年十二月詔

權簽院事救慶陽八年十二月河中府破權簽院事死
之此本傳之草火訛可也正大三年十一月召陝州總
帥議兵事四年八月遣守盱眙七年正月屯邠州八年
十二月河中破杖死此本傳之板子訛可也又興定二
年正月近侍局副使報南師捷二月敗宋防山拔龍門
關等處三月敗光化軍入桐柏境四月遣赴遼東訪万
奴事十一月權右都監行帥息州元光元年二月左監
軍行師府伐宋時全副之五月軍敗削官十一月同州
破同知節度自盡卽素蘭傳稱內族者當別一人又元
光元年四月以勸農使簽樞密院事又別一人又張行

信傳貞祐二年權右都監護糧通州兵潰又別一人又
白華傳天興二年爲首領官發詔量決又別一人又守
純傳長子封曹王出質又別一人

正大八年九月至故自將攻河中 四百四十二字當改
作貞祐初宣宗議遷都朝臣謂可都河中主議者以在
河朔又無宮室議寢二年詔元帥都監內族阿祿帶行
帥府事未幾絳州破河中城孤不可守阿祿帶遂棄之
宣宗累命完復隨守隨破至是以兩訛可將兵三萬守
之大兵旣破鳳翔睿宗期以明年正月合南北軍攻汴
梁故自將攻河中時正大八年九月也 案史文自正

大八年九月至議遂寢一段一百二十一字空論河中
形勢宣宗旣遷河南至將兵三萬守之一段一百六十
二字序阿祿帶棄河中事大兵謀取宋武休關至故自
將攻河中一段一百五十九字序拖雷攻河中事然雜
序無法未免顧彼失此冗濫不可讀故改訂如右

十二月河中破初 七字當削

尋有赦詔將佐以下 赦詔當作詔赦

決杖二百 此下當加死

劉祈曰至終至亾國 祈當作祁 一百十四字當削

案史家全錄歸潛志文不敢竄一字苟圖文字暢達可

以塞責誰知茫茫一片皆不切之陳言且一傳中用四
初字尤屬無此文法

撒合輦傳

宣宗朝 案輦爲近侍局要人高琪傳有奏圖胡沙虎事
宣紀貞祐三年八月有諭簽軍事傳略

輦猶升二品云 猶當作獨

大元旣滅西夏 滅當作困

召尙書溫迪罕壽孫 召下當加右丞相賽不陳規傳

朝廷得清水之報 案地志縣名見秦州未知所報何事
閉之壅城中 壅當作甕

少之 少當作頃

強伸傳 案伸當入忠義傳史家因中京而類及之非
以壯士五千人 千當作十

人不過一陷 陷當作啗

伸拗頭南向 拗元作物非

烏林荅胡土傳

國初以三千騎由此路趨汴 北盟會編趙陽與姚太守
書云粘罕自孟津涉河尋得一石底皆乘馬浮河而過

大兵圍蔡 大元作太非

內族思烈傳

轉樞密院經歷官 案白華傳王仲澤有召諭事傳略

紇石烈牙吾塔傳

真祐間 真元北並作貞是

三年正月敗宋人於濠州之香山村二月又敗於滁州斬首千級拔小山寨殺統制正大蓬等斬三萬俘萬餘人又拔輔嘉平山寨斬首數千俘五百餘人獲馬牛數百糧萬斛三月提控奧敦吾里不大敗宋人于上津縣兵還至濠州宋人以軍八千拒戰牙吾塔迎擊敗之獲馬百餘匹 又敗下當加之 正大蓬正元作王是蓬當作蓬 斬三萬斬下當加首 案紇石烈胡失門傳二

改作年代宋牙吾塔至楚州不受行省安貞節制輒進

兵安貞劾奏詔原之馮璧傳四改作年南伐詔牙吾塔

攻盱眙不從命乃由滁州略宣化縱兵大掠行省奏故

違節制壁鞫之壁入軍奪其金符攝之入獄擬斬以聞

此事宣紀及安貞傳不載唯見于二傳而本文抹去則

馬牛糧草皆違制掠奪之物而奏成俘獲之功可乎又

宣紀是年四月牙吾塔開府宿州傳亦略去史官止圖

順文直寫全不照料何以謂之信史

有胡論出者 胡北作故非

至聊林 聊當作柳

汴流由是復通 案紀是年七月請帥幕職有過得自決
不允九月請由壽州渡淮擣宋不從十一月報臨淮破
宋之捷傳並略

於是宋鈴轄高顯 鈴當作鈐

及梟提控金山八打首 梟北作梟非

正大三年 案牙吾塔自宿移鎮靈寶當在正大元二年

紀傳並脫

五年圍慶陽 五當作六 紀

六年十月 六年二字當削

卷一百十二

完顏合達傳

充護尉 尉當作衛

共壁平州 地志臨潢府云貞祐二年僑置于平州平州

云貞祐三年置經略司

夏人犯通秦 此下當加塞

斬首數十級 級北作及非

陷其西北隅 北當作南 紀

寢及榮解之境 榮當作榮

竊見河中榮解 榮當作榮

正大二年 大下當加元年三月權參知政事行省于延

安兼統河東兩路 案此文紀譌傳脫今據白撒傳補
四年 四當作六

以平章政事妨職樞密副使 妨職當作改權

欲合而一之 欲當作詔 案紀在正大五年

自陝以西 指陝州

屯豐陽州 州元作川是

又宣徽使奧敦阿虎至宣宗甚憂之 六十一字當改入

上以為聲援文下 又宣徽使當作先是宣徽使

金軍懼其乘虛襲京城 金當作我

襄陝 陝當作邲 案此即許之襄城汝之邲城也

金軍由鄧而東 金當作我

移刺蒲阿傳

初哀宗為皇太子 初字當削

皇太子異母兄 皇太子異母五字當削

屯於良嶽 良嶽當作東華門傳

正大四年 大下當加元年九月復澤潞二年十月敗宋

人于光州三年八月復曲沃及晉安 四年下當加二

月復平陽府 案蒲阿雖有罪而其戰功不容抹去據

紀補

至游騎十餘 至北作遇是

以微言取怒 以上當加亦

蒲阿再復潞州 蒲阿當削

蒲阿東還 蒲阿當削

詔蒲阿 蒲阿當削

戰北兵於太昌原 太當作大

更勿似太昌原 太當作大

皆謂蒲阿此言為然 蒲阿當削

散如鴈翅 翅元作翅是

金兵不得不戰 金當作我

金兵幾不成列 金當作我

金以萬人 金當作我

金軍適值之 金當作我

金軍奪橋 金當作我

金軍縱擊 金當作我

金軍欲盤營 金當作我

金軍不能得食 金當作我

合達又議陳和尚先擁山上大勢 山上大勢當作上山

觀大勢

金軍已接 金當作北

金軍遂進 金當作我

北兵果却三峯之東北西南 却當作據

止有三峯之東 東下當加可行 案傳文敘法頗似演

義小說自合達又議以下數行細讀不解必有脫誤稍

以意訂正之尙未滿志也

槍槩結凍如掾 掾元作椽是

乘金困憊 金當作我

金軍遂潰 金當作我

金軍無一人得逃者 金當作我

沃衍澤英皆死 沃衍二字當削 案沃衍與陳和尚皆

走死于鈞州不與澤英同死

卷一百十三

目 完顏賽不 此下當加注楊居仁

完顏賽不傳

為甯化州刺史 化當作邊

宋將皇甫斌遣率步騎數萬 遣下已加曹統制

深州刺史 史北作使非

不尊安撫使達吉不節制 尊當作遵

俄為元帥右都監 監北作總非

上以宋歲幣不至 幣北作帑非

詔勿問 案紀有猶子訛論唐州兵敗亦不之罪傳略

轉尙書右丞相 此下當加封莘國公

楊居仁 案哀紀天興元年有奉使不職具獄釋之事又

合喜傳有犒師事

尙書左丞顏蓋世魯 紀作太常卿卽合喜傳命作江水

曲者又見石抹世勣傳張特立傳

五年行尙書省于京兆 五當作六

天興九年 九當作元

二年七月 七當作六

十月甲申詰旦 紀作癸未蓋癸未夜襲明旦城破也

恐與對面語乎 恐當作忍

贊 泊秉鈞衡 衡北作衝非

內族白撒傳

三年破虎頭關 年下當加三月

雞冠關 冠北作寇非

邊事益急 益急當作稍緩 案白撒駐平涼所禦者夏

兵耳正大初和議方始矣若京兆鳳翔他邊之急不過

空言塞責其材力亦不及此史臣未免失攷

性復貪鄙 復當作復

諸軍敗績於三峯山大兵與白坡兵台 十五字當削改

作聞大兵 案三峯敗在十六日丁酉下文棄衛州爲

十一日壬辰修京城爲十三日甲午不合先聞敗狀
棄衛州 棄上當加節度斜捻阿不 州下當加來奔
案此人乃白撒黨卽後日斬人鎮地者其棄州來奔必
已密授意指若但云棄衛州與本傳何涉
初大兵破衛州至隨爲大兵所據 六十二字當削 案
此文爲棄衛州注腳亦似爲攻衛州張本然改築新城
以石包之等語意終屬夾雜
裏城或不測可用 或字測字皆當削
尙不能徧 徧北作徧非
截長補短假借而用 八字當削 案文下語不倫夫壤

地有長短軍官可以截補乎且簽軍亦不必言假借
行統帥府事 統元作總是
隸總帥百家 五字當削 案總結見下文
兼合刺合總領 合刺合卽合里合
官奴遂奏 遂當作還
以糧糗三百餘船 女魯歡傳作一千五百石
留親衛軍三千 三當作二
能裨闔 裨北作押非
赤蓋合喜傳
及楊幹烈等 幹當作幹

烏古論世鮮 紀作世顯

且構宋統制程信等 宋甯紀嘉定十三年九月戊戌利

州副都統程信出長道乙巳信引兵與夏人會鞏州丁

未攻城不克壬子信及夏人攻鞏州不克十月丁巳朔

信邀攻秦州夏人不從信引還諸將皆罷兵

飾兵嚴備 飾當作飭

僅能禦之 此下當加圍解升左監軍授大名路猛安

立十三都尉 三當作五

攻具已辦 辦北作辨非

壬辰 巳作壬寅

置炮百餘枝 枝當作枚

其攻城之具 攻當作守

壬午 當作壬戌

合喜怒欲笞其掾 怒北作恕非 掾北作椽非

上貸其死 貸北作貸非

常鞅鞅不樂 此下當加崔立變後

卷一百十四

白華傳

二年九月 九巳作四

十月 當作十一月

義深東平郡王成進膠西郡王 案哀紀天興元年九月
作臨淄郡王王義深廣平郡王范成進當係紀譌成進
事無可攷而寰宇訪碑錄有膠西郡王范成進殘碑正
書至元十三年在山東濰縣不知碑敘何事

五年秋增築歸德至李辛賜姓也 五十字當改入下時

陝西兵文上

六年以華權樞密院判官 十字當改入下國制文上

留脫或欒駐慶陽 或當作國 案卽牙吾塔傳之幹骨

欒

其奏每嫌辭費 其奏二字當削

五月以丞相賽不 五當作二紀

上謂白華曰 白華當削作之

華如期而還 華當削

華曰向日用兵 華當改作對

華真授樞密判官 華當削

金軍自闐鄉 金當作我

因遣白華 白字當削

華等既到 華等二字當削

華至京 華當改作及

必到八里莊城門爲期 宋史地志楚州淮陰縣嘉定七

年徙治八里莊

華幾不得還 華當削

送款于金 金當作我

既而宋人至亦以盱眙降宋 案文一百五十四字尤與

華傳無涉可削但惜徒單塔剌朶山亭死事無他見故

存之 宋理紀紹定四年十月戊子金人以盱眙軍來

降改爲招信軍

不若經往河中 經元作徑是

華曰臣愚見如此 華當改作對

聞華言 華當削

金軍北渡 金當作我

金制 金當作舊

卽白華所居 白字當削

華附奏人耕稼已廢 華當改作因 人當作今

於是起華爲右司郎中 華當削

召華諭之曰 華當削

召賽不合周訛出烏古孫卜吉完顏正大議 大元作夫

是

其後十五日 五當作四 紀

華遂問其由 華當削

詳校九傳

會與金軍接戰 金當作我

上在歸德 案此下華有送符息州事見婁室傳傳略

又案此傳是元好問壬辰雜編中為華一篇辨冤文字
篇中五金字是國亡後筆

斜卯愛實傳

金兵遂合 金已作大

不逢一人騎 人字當削

衛紹宅四十年鎬厲宅二十年 四當作二 二當作四

且三斗六升之餘 斗元作升元作斗是

已而復用 案紀云息州刺史

四年以御史大夫權尚書右丞 案紀貞祐四年二月以

宣撫副使簽樞密院權右丞九月以簽樞密院為御史

大夫領兵赴陝西不合

留沔池數日 沔當作澗

諸皇族百餘人上章救之 見從坦傳

至是為參知政事 紀興定三年三月錄用罪廢官七十

人即此

石抹世勣傳

收充擊執 元毅傳作侍儀司承應

登詞賦經義南科進士 南元作兩是

詳交九傳

卷一百十五

完顏奴申傳

奉使大元 案正大五年為蒙古戊子太祖已殂拖雷監國太宗未稱元

十二月還 此上當加六年

金庫匱乏 庫當作廩

冬十月 當作十一月

完顏習捏阿不 即正月棄衛州之斜捻阿不

管宮掖事 宮北作官非

完顏阿撒 即崔立傳之阿散

温敦阿里 即崔立傳之温屯阿里

裴滿阿虎帶 即崔立傳之阿忽帶

近侍 此下當加局使

中京副留守愛實等 實元作失

十二月 三字當削

辛丑 紀作庚子

多行乞於市 市北作是非

正月戊辰 戊辰已作丙寅

祁字京叔渾源人 七字當削

崔立傳 案此當入叛臣傳攷異云

性淫狡 性上當加立 狡當作狡 案狡與淫義複

字木魯長哥出省 紀作長河 出當作入

衛紹王太子承恪 承當作從 紀

韓鐸都元帥 都當作副 紀

張軍奴 此下當加完顏合荅 紀

納一都尉夫人 案攷異引歸潛志為監軍王守玉妻

以天子袞冕后服上進 上進當作送軍前

三月壬辰 三當作四

四月 二字當削

李琦者 案女魯歡傳有守歸德事

傳近境有宋軍 齊東野語端平入洛云元年命全子才

舉兵赴汴七月二日抵東京二十里劄寨初五日整兵

入城行省李伯淵先期以文書來降願與國用安范用

吉納約至是乃殺所立大王崔立率父老出迎見兵六

七百人

前御史中丞蒲察世達 中丞紀作大夫

同簽樞察院事 察元作密是

聶天驥傳

遣宿州總帥 州下北有衛字非

赤蓋畏忻傳 赤蓋哀紀作石蓋

權許州統軍使 統北作統非

五年致仕 案紀不書當在七月

卷一百十六

目 蒲察官奴 此下當加注冀禹錫

徒單兀典傳 此傳敘陝州

不知其所始 案攷異引抹撚盡忠傳徒單吾典事是也

駐鄧州 三字當削

駐洛陽 三字當削

邊民為之搖動 搖當作騷

高平都尉苗秀 高當作安 案苗秀下文作苗英

運靈寶碓石食粟 食元作倉是

兀典發闖鄉 此下當加至陝

慮為金軍所據 金當作我

金兵知必死 金當作我

素蘭竄歸 此下當加陝州

獻能字欽叔貞祐三年進士 十一字當削

明年五月麥熟 六字當改入下省劄令偉文下

石蓋女魯歡傳 此傳敘歸德

金兵常不得利 金當作我

及上來歸德 此下當加二月以為樞密副使權參知政

事紀

二月戊辰朔 二已作三 朔字已削

且出所有金貝 貝北作具非

及蒲察敵住等 住北作往非

蒲察官奴傳

以其新自河朔來 新北作親非

幾獲鎮州大將 指史天澤

劫直長把奴申於上前 下文又有經歷把奴申乃別一

人

字京甫 甫北作用非

分軍五七十出柵外 五北作伍非 案五七十乃約略

之詞若作伍則復衍矣

投城下以走 城當作階

內族慶山奴傳

名承立 案傳中忽稱慶山奴或稱承立殊不合史法

三年四月 案宣紀興定二年七月有奏選寄居守闕丁

憂官總兵事三年二月有獲夏人文移事傳並略

復擊走之 案紀四年四月以為右監軍權參知政事同

行尙書省元帥府于京兆六月上封事又楊雲翼傳十

一月奏大兵前拒平涼數州皆破承立擁兵不進以罪

免官傳並略

十月慶山奴棄京兆還朝 十當作九紀

行次楊驛店 楊紀作陽

遇小乃解 元史作肖乃台武仙傳作笑乃解

卷一百十七

目 國用安 此下當加注張介

徒單益都傳 此傳敘徐州

與河間張祚 祚北作作非

高臘哥 案紀又有李宣

豈有改易髻髮 髻當作髻

徐州既歸海州 海州指楊妙真

惟安國不改髻髮 安國北作益都非 髻元作髻是

粘哥荆山傳 此傳敘亳州

大兵石總管 卽元史石天應

惟城父令李用宜不降 陵川集金源十節士歌李豐亭

云士為有用學有志終有為先生乃不幸一第當時危

腐儒苟且皆畏避奔走要門求內地越趨冀得升斗祿

覩面只為妻子計先生守臣聽銓選不避畏途羞自便

一通誥命令城父卽駕柴車自畿甸甫能到縣敵已至

意色不動卽視事排墻拔樹為守禦胡馬嘶動人鼎沸

團兵僅得二千人開門轉戰箭滿身見星塵出據大林
人蔽一樹氣乃振弓折矢盡更無技重圍百市何所依
飲血復鼓更格鬪揮戈慷慨指落暉力竭衆斃付一死
以身報國真烈士君不見汴梁諸生不出門手把付身
皆餓死 齊東野語端平入洛云六月二十二日至城
父縣縣中有未燒者十餘家官舍兩三處城池頗高深
舊號小東京云

送之出城 送北作逸非

既而崔七斤爲亂 卽下傳之崔復哥

是年六月 是當作明

宋人來攻春出降 齊東野語端平入洛云六月二十四

日入亳州總領七人出降城雖土築尙堅 元史地志

亳州金亡宋復之

王賓傳 亦敘亳州

初調蘭陵主簿 主北作王非

坐事罷 卽張特立事見歸潛志

天興元年正月 正當作五

賓與前譙縣尉王進 此上當加二年四月

進嘗應荆山之募 此上當加初

至汴 汴當作亳

大赤圍毫 大元作太非 赤北作兵是

五月甲子 五月二字當削 案此傳前半敘王賓後半

敘王進並係天興二年四月後事與他傳先後者不同

乃史官不用夾敘法似本兩傳併為一傳加以年月脫

譌致令眉目不清

國用安傳

誓歸金朝 金當作本

於是復金朝衣冠 金當作本

既而選人 選當作遣

於是因世英以用安終不赴援 至贈汝州防禦使 三十

四字當削 案文已見紀且此等死事何足算徒見冗

雜

即改從宋衣 衣下當加冠

時青傳 攷異云不足立傳

正月二十五日 二十五當作十三 紀

二月二十六日 六當作一 紀

卷一百十八

目 武仙 此下當加注魏璠移刺瑗附

苗道潤傳

與賈全 全元作全 案他傳全全錯出未知孰是

移次衆家奴 次當作刺

興定三年 三當作二

詔百官 此上當加三年正月

王福傳

四月紅襖賦 四當作五

移刺衆家奴傳

封河間公 間北作澗非

河間 間北作澗非

別遣總領提領 提領當作提控

詔從之 案下文不言不知所終其為遷官病卒降元奔

宋皆不可攷必係脫譌至守信安事略見元史為北平

公張進別見張甫傳後

武仙傳

仙率鄉兵 仙字當削

詔仙 仙當削

遷洺州防禦使 洺北作洛非

遙授河平軍節度使 此下當加復請給金銀符賞有功

從之

紀

大元大將笑乃解討仙 仙當改作之

仙乃奔汴京 仙當削

仙遜歸 仙當削

遂走南陽留山 案北盟會編建炎二年二月十九日冀

德韓清乘金人入寇嘯聚出沒于汝洛之間屯于留山

寺及艾蒿平翟興以輕兵間進抵留山寺一擊而潰卽

此地

仙卽按軍眉山店 仙當削

仙至留山 四字當削作既至

烏古論忽魯召仙 魯下當加刺 仙當改作之

詐以書約仙取裕州 仙當削

哀宗走歸德 當作哀宗將親出

以待仙 仙當削

完顏四和有謀敢斷嘗徵兵鄧州 卽紀天興二年正月

白華事

禦牧使 當作防禦使

仰給于鄧州總帥 鄧州二字當削

張伯直 見中州集

以女女仙 仙當改作之

仙率帳下百餘人 仙當削

至是彛琢妄謂將納款于嵩之之語泄矣 妄謂將三字

當削 于嵩之三字當削

徙浙川之石穴 嘉靖河南志石穴在浙川縣石門山金

將武仙所置砦甚險其址尚存

遣近侍元顏責仙赴難 卽紀七月魏璠事

仙復謂衆曰 仙當削

軍士亡者八九 八上當加十

皆散去 秋澗集中令楊維中碑金亡恆山公武仙潰于

鄧州餘黨散入太原真定間據大明川用金國開興年

號衆至數萬出沒劫掠數十里詔令諸道兵討之不克

公仗節開諭降其渠帥其黨悉平

爲澤之戍兵所殺 李俊民莊靖集和子榮悼恆山公詩

云功名人比漢淮陰猛虎俄因犬輩擒星落旄頭兵似
火雲屯細柳士如林豈期虞虢亡脣齒漫倚良平作腹
心灑盡英雄憂國淚變風那得不傷今 案哀宗天興
狩後大勢已去所倚者仲德武仙兩援兵耳仲德孤軍
自輦數千里間關入救而仙坐擁選鋒偷安山寨連詔
徵兵如思烈忽魯刺魏璠四和白華兀顏六七輩死不
勤王又殺李汾盧芝石玠三義士真一賊耳莊靖比之
淮陰形于和什已屬大謬而元大德間復有重刻李孝
純哀恆山公武仙詩碑 寰宇訪碑錄正書大德四年在山西鳳臺 殊不可解

張甫傳

邢璣 邢北作刑非

無何李癘驢歸順大元 李癘驢歸順大元七字當削

案紀元光二年正月四方館使以罪罷授恆州刺史者
卽此人或因張甫得兵召與內職迨改授後乃降元耳
則不得以無何二字了之莫如削去爲妥

柴茂 紀興定四年十一月詔柴茂蓋仁貴行帥府于眞
定者卽此

大成 成當作城

始賜姓完顏 宋史李全傳劉慶福在山陽與李福互相
猜貳福僞病慶福不往張甫者素厚慶福約同往問疾

及寢遙見福臥不解衣心恐而身已至牀前牀頭見鞘
刀慶福口問疾而手按鞘福拔刀起傷慶福甫救之被
害甫者金元帥高陽公金亡河北甫據雄霸清莫河間
信安信安出白溝距燕二百里而阻巨灤大元兵不能
涉後歸李全者 案甫傳賜姓後不詳所終故錄宋事
以補之

張進亦遷元帥左監軍賜姓完顏 元史楊傑只哥傳已

丑正大六年阿朮魯攻信安信安城四面阻水其帥張進數

月不降傑只哥曰彼恃巨浸我師進不得利退不能歸
不若往說之進見其來怒曰我斬二使汝不畏死耶傑

只哥從容言曰今齊魯燕趙地方數千里郡邑聞風納降獨君恃此一城內無軍儲外無兵援亡可立待爲君計者不如請降可保富貴而免死亡進默然曰姑待之凡三往乃降張榮實傳霸州人父進金季封北平公守信安城壬辰歲天興元年率所部降何伯祥傳太宗定河朔惟保定王子昌信安張進堅守不下伯祥生擒子昌進聞之亦遁又張禧傳東安州人父仁義金末徙家益都太宗下山東仁義乃走信安時燕薊已下獨信安猶爲金守其主將用之左右國兵圍信安仁義率敢死士三百開門出戰圍解以功署軍馬總管守信安踰十年度

不能支乃與主將舉城內附 案進爲元臣張榮實之父困守信安踰十年皆在完顏不終張甫入宋後事進雖不與九公之列而北平之號必爲正大繼封史贊復引他書載滄海易水二爵或傳聞異詞耶故備錄元傳以補之

靖安民傳

孫資孫 當作孫資深

頃之封易水公至東安寨隸焉 四十一字當改入上三月安民上書文上 案苗道潤傳封九公在四年二月又此三月文下已有冒濫封拜等語

郭文振傳

招降大原東山二百餘村 紀興定三年六月遼州總兵
領提控唐括狗兒復太原卽此

十月權元帥右都監 都監當作監軍 案上文已云左
都監不合此反權右必爲監軍之譌

元光元年 案紀三月表言南北合兵攻河陝傳略
胡天作傳

隰州之件城鎮 州元作川是
詔誅忽失來子之南京者 南上當加在

張開傳

遙授同知青州防禦事 青元作清是

開復青州 青元作清是

推杜仙爲招撫使 遺山集有送還西山詩卽此

內無儲待 中州集秦略穀靡靡詩上黨公府作

燕甯傳

紅襖賊五公喜 五當作王

贊 河間公移刺中哥 案他書所載張進已見上文郭

棟或爲文振之族惟移刺中哥遺山集張公第二碑作
衆哥疑中爲衆聲之轉哥爲家奴之切或卽一人然不

敢臆斷矣

卷一百十九

粘葛奴申傳 此敘陳州事

提控劉某知害 知元作如是

完顏婁室傳 此敘息州事

時以其名同 案紀興定三年正月鄧帥提控有罪削爵者未知於大中小三人何屬

以烏古論忽魯 紀作蒲鮮

朝廷以參知政事抹撚兀典 此上當加八月丙戌紀

八月壬辰行省遣人奏中渡店之捷初 十五字當削

案史臣紀事多不用直敘法每先一語提綱下文必用

初先是等字以原之復用至是等字以補之自謂可稍見眉自然筆端拙鈍可厭極矣列傳中此類不少舉之以示一隅

斬獲甚衆 此下當加遣使奏捷 案文如此豈不簡快且區區小捷何足繫日

桓端 案紀天興二年九月作阿虎帶

烏古論鎬傳

參政天綱亦然 六字當改入下又薦以自代文下 案此係胥手倒寫未經改正者

小婁室自息來迓 案上傳乃中婁室

蔡八兒副之 紀作元志

因出入長大主家 長大當作大長

張天綱傳

為宋將孟拱得之 拱當作珙

後不知所終 陳霆兩山墨談孟珙滅金俘其參政張天

綱以歸云云續綱目載其事末云不知所終偶閱長編

傳是樓書目續通鑑長編一百八卷李燾撰英宗治平

四年止宋史全文續資治長編三十六卷少帝德祐元

年止絳雲樓目同是年四月甲午樞密院奏乞令殿前司借補

張天綱武翼大夫充計議官完顏阿海保義郎本司副

將並給袍笏鞞帶從之然則宥罪之後固嘗受宋祿秩

矣抑老于是職與 案陳書吳明徹傳為周師所執憂

憤卒南史謂周封懷德公魏書穆紹傳元顥入洛以為

兗州刺史北史諱之此傳諱其仕宋亦此類也

完顏仲德傳

詔授仲德鞏昌行省 仲德當削

軍次黃陵 此下當加岡

初完顏胡土至敏修入徐 二百三十字當削 案嚴祿

反正事略見上文此必壬辰雜編中原文史官無筆節

序以入而又苟欲湊成長篇不忍汰去疊牀架屋成何

文法

詔仲德赴行在 仲德當削

詔仲德議遷蔡 仲德當削

八月定進馬遷賞格 八當作七紀

白之仲德 仲德當削

上諭仲德曰 仲德當削作之

九月 此下當加庚戌紀

十一月辛丑 此下當加朔

蔡既受圍 四字當削

鼓吹相接 接北作接非

家素貧 北無素字非

卷一百二十

世戚傳

序 世宗時 世當作章傳

石家奴 蒲察部人 案紀傳所載多稱蒲察不稱石家

奴如太祖紀甲午十一月敗遼軍于祥州東太宗紀天

會四年十月克平定軍六年十月丁丑敗宋于臨真十

一月庚寅取延安府七年四月取鄜坊二州幹魯傳與

闞母伐高永昌希尹傳西京降使守之宗翰傳西京復

叛先擊之又帥師平陝西婁室傳追遼帝以二千騎候

敵又降壽陽取平定及樂平招降遼州及榆次遼山和

順諸縣又命專事陝西又克丹州破臨真克延安府降
綏德軍及靜邊懷遠等城寨十六還守蒲州西夏傳軍
威戎東皆是也惟宗雄傳詔合札千戶駙馬護喪突合
速傳初隸萬戶麾下粘割韓奴傳遣討大石則稱石家
奴若太宗紀天會九年正月辛亥之討張萬敵杲傳克
中京後之往迎遼兵稱蒲察者當別一人
世祖外孫 世當作景
護齊國王謀良虎之喪 王當作公
封魯國公 此下當加大定間定亞次功臣圖像衍慶宮
裴滿達 婆盧木部人 木當作火

從滿家奴 滿元北並作蒲是

為燕京留守 燕當作中

徒單恭 斜也以賊免 斜也當削

海陵后徒單氏 海陵二字當削

凡斜也所言 斜也當削作其

未嘗有如斜也專恣者 斜也當作此人

海陵杖之二十 海陵當削

言斜也強率取部人財物 斜也當改作其

保魯鞠不以實 保魯二字當削

斜也謀取其兄家財 斜也當改作因

嘗怨詈斜也 斜也當改作之

乃譖兀魯於海陵后徒單氏 十一月當削作乃譖于后

會韓王亨 王北作玉非

亦以怨望指斥誣兀魯 九字當削作亦以指斥誣之

海陵使蕭裕 海陵當作乃

得幸于徒單后 徒單二字當削

遂殺兀魯 兀魯當削作之

大定間皆追正之 七字當削

遂杖斜也 斜也當削作之

進拜太保 太北作大非

斜也從海陵獵于順州方獵聞斜也薨 十五字當削作

從獵于順州方獵聞計

先斜也卒 斜也當削

烏古論蒲魯虎 昭甯公主 諸嬖傳作壽甯

唐括德温 上京率河人也 率河即帥水

烏古論粘没曷 宋史作忠弼

常侍左右 左右北作右右非

加駙馬都尉 此下當加為右副點檢使宋 表

上謂宗安 四字當削

駙馬都尉公說 案刑志二十二年有省寺斷案事傳略

蒲察阿虎迭 五年使宋為賀正旦使 繫年要錄紹興

十五年金遣殿前右副都點檢說即此紀表皆脫載

楚國公 此下當加子鼎壽

烏林荅暉 從宗弼北征 北當作南

詔以暉第三子天錫 案表大定十一年以刑部侍郎使

宋賀生日昭德后傳為太尉石土黑後傳並略

蒲察鼎壽 尙熙宗女鄭國公主 案胙王元傳有皇統

七年四月阿虎特子尙主進禮物賜宴便殿事即此

以海陵女弟慶宜公主 慶宜公主即阿虎迭傳之鄧

國長公主崔哥

改左宣徽 此下當加使宋還紀

徒單思忠 父賽一 見安禮蒲睹傳

大定初世宗使思忠 大定初三字當削 案上已有大

定初

徒單繹 授隆安府路合扎謀克 隆安當作黃龍

奪古阿鄰猛安 案續通攷云太宗女嫁奪阿隣不知此

乃猛安名大謬

以母鄂國公主憂 集禮大定七年六月十三日檢奏帝

女例封公主奉勅旨武靈皇帝妹鄂國公主依舊封海

陵姊妹明肅女並封郡公主

烏古論元忠 後封魯國大長公主 大北作太非
乃拜平章政事 案張景仁傳有奏決斷六品官事傳略
尋復詔爲右丞相 案紀已攷定爲二十二年六月
駕東幸 案世宗紀二十四年四月有預宴上壽事傳略
汝心叵測 案此卽宗道傳竊議密聞事此傳但云責諭
不敘源委未免鶻突

今預宴 晏元作宴是

誼 及父廢亡 及元北並作乃是

尙顯宗女廣平郡主 爽傳鄴國下嫁賜宴慶和殿卽此
徒單公弼 大定二十七年尙世宗女息國公主 克甯

傳二十六年十一月納幣賜宴慶和殿卽此

駙馬都尉 駙北作附非

封定國公 此上當加崇進紀

罷知中山府事 當貞祐二年四月

太孫太師 案紀貞祐三年五月立皇孫鑑爲皇太孫

徒單銘 性重默寡言 性上當加銘

移河東北路按察使轉運使 察下使字當削

俄拜尙書右丞 宣紀脫載

徒單四喜 正大九年正月丁酉 正大九已作天興二

丁巳作辛

內侍馬福惠 內上當加與 馬北作焉非

如栗黃者 栗北作粟非

壬寅 壬巳作丙

遲回間 問北作問非

癸卯 癸巳作丁

問汝是放忠孝軍出門者耶 放北作於非

卷一百二十一

忠義傳一

目 胡沙補 此下當加注撒八

特虎雅 雅字當削

僕忽得 此下已加注酬幹

溫迪罕蒲覲 此下已加注鶴壽等

訛里也 此下已加注閏孫史大等

魏全 此下當加注蒲烈古

鄯陽 此下已加注石古乃

和速嘉安禮 安北作加非

九住 此下已加注李果速

齊鷹揚 此下當加注楊敏中等

木甲法心 此下當加注溫迪罕咬查刺等

序 死其官守 其字當削

胡沙補 太祖疑之 太北作大非

會高禎降 高北作尚非

特虎 自臨潢班師 自上當加太祖

僕忽得 甯江州 此下當加破

招撫三坦石里很跋苦三水鼈古城邑 太祖紀作讒謀

水

粘割韓奴 壁于龍門東 壁北作壁非

時天輔六年也 六當作七

遼詳穩撻不也來降 遼屬國表保大四年

且不知大石所往也 此下當加九年和州回鶻執大石

黨撒八迪里突迭來獻 紀

曹珪 案此傳文已詳世宗紀大定四年史官復載于此

徒取篇幅之長而已

温迪罕蒲睹 西北路契丹 西上當加正隆末

徒單塞里 安禮傳作賽一

完顏木里骨 安禮傳作术魯古

老和尚 當作那也

皆被殺 案傳不載贈官係脫譌攷安禮傳世宗稱昭武

大將軍术魯古金吾衛上將軍蒲都似已經加贈而鶴

壽賽一則仍稱羣牧都尉不可解或當時贈官未能徧

及耶 又案諸傳不載贈官者如此與烏古孫兀屯宋
展高錫伯德宓哥奧屯醜和尚陀滿斜烈尼龐古蒲盧
虎兀顏可畏兀顏訛出虎粘割貞徒單航楊沃衍烏古
論黑漢禹顯張邦憲劉全等皆是乃史臣之草率也
納蘭綽赤 相與拒括里于改渡口 改上當加伊
魏全 宋季爽 季已作李與紀合
以騎二千人 千北作十非
鄴陽 賞銀一定 定當作錠
詔削官爵 削當作加
符寶祇候 符北作付非

夾谷守中 歷嵩涿北京臨洮路按察副使 案嵩涿安
得有按察副使或副使分駐二州耶疑嵩涿下當有脫

文

移彰德軍 德當作化 案此指涇州下云移軍未行仍
守鞏州則表及西夏盧庸等傳作涇州非也紀并脫載
按行秦中 秦北作秦非

石抹元毅 使省檄 使當作被元作裊亦非

復何面目朝廷乎 目下當加見

伯德梅和尚 湓水集有挽詩

烏古孫兀屯 撒虎帶 撒北作散非

五月 此下當加賜兀屯總押鄧州軍馬紀

軍士多亡 士下北重一士字非

王維翰 檢括戶籍 括北作括非

兼潞王傅 傅北作傅非

妻姚氏 案鉅野縣志有謝天香事乃傅會之說

移刺古與涅 安化軍節度使 安上當加累官 案執

中傳泰和六年十月兵出清口遣副統移刺古與涅克

淮陰傳略

宋辰 歷蘇曹景州刺史 蘇當作薊

李演 詔有司為立碑云 遣山集有詩 寰宇訪碑錄

濟州刺史李演碑崔禧撰趙秉文正書貞祐四年八月

在山東濟甯

王毅 大興人 大上當加字之綱 滏水集有銘 函

山旅話李俊民同年錄中有王毅知綱中都大興人

贈曹州刺史 案滏水集與雞澤尉楊過叔黨合銘傳宜

附載此亦史臣之疎也

王晦 遷霍王傅 傅北作傅非

樞密副使 此下當加諡剛忠

為筆硯承奉 案秋澗集跋同載傅霖守臨潢事史亦失

于附載

齊鷹揚 敏中乞驢 敏上當加與

高錫 遷遼東路轉運度支判官 度支當作支度

卷一百二十二

忠義傳二

目 從坦 此下已加注郭用

女奚烈幹出 此下已加注王謹

梁持勝 此下已加注賽不等

移刺阿里合 此下已加注孔祖湯

烏古論德升 權參知政事 案紀貞祐三年四月有奏

夏至免朝事傳略

權元帥左監軍 案紀貞祐四年正月有招太原降民事

又胥鼎傳西征失計狀事傳略

乃自縊而死 續夷堅志烏古論德升第進士興定戊寅

以參知政事行臺太原九月六日城陷遇害以其日受

生慶陽移刺倉使家兒四五歲能說前身事沈厚寡言

人傳為異事德升家一大奴從太原逃出就倉使家來

問兒望見名呼之奴為之慟但說其死不同奴言德升

被斫而死兒言赴井死游麟之言當是聞城陷一心赴

井神識已逝不復知被斫耳一僧云不然赴井者蓋投

胎耳 案史云自縊則非赴井亦非被斫也似當以史

文爲據

馬驥 時致祭 時當加歲

伯德窳哥 河東北路行元帥府 此指古里甲石倫

甯遠軍節度副使 石倫傳作甯邊第武州有甯遠縣或

卽以縣爲軍

興定元年 元年當作改元

從坦 宗室子 案下卷馬肩龍傳上書所救宗室從坦

當卽此

孟州經略使 此下當加萬戶宋子玉叛率兵敗之

留汚池數日 汚當作澗

納合蒲刺都 力戰而死 案紀興定二年十一月又有

參議官王良臣傳亦宜附載

時茂先 沙溝酒籃 籃元作監是

紅襖賊方郭山 方郭當作郭方

方郭山聞而執之 方郭當作郭方

温迪罕老兒 以其姪墨廝 墨元作黑是

梁持勝 興定初 當作貞祐中

賈邦獻 獻當作憲 案目及傳中俱作憲

竟能成功 竟當作僅

移刺阿里合 泰定軍節度使 泰北作恭非

紇石烈鶴壽 興定五年十月 十巳作閏 案紀在閏

十二月

女奚烈資祿 攻破武林關 林元作休是

趙益 保聚山陝 陝當作破

不可計 計上當加勝

侯小叔 小叔盡護農民入城 此上當加十月軍變

案紀有孫仲威據城叛事傳略

詔權元帥左都監 左當作右

完顏賽不 賽北作塞非

王佐 元光二年七月 七當作四 紀

黃攔九住 案此後七傳顛倒無次據紀年先後此傳當

改次上卷宋展傳前下烏林荅乞住陀滿斜烈尼厖古

蒲盧虎三傳當次上卷高錫傳後又兀顏畏可傳當次

本卷完顏六斤傳前又兀顏訛出虎傳當次從坦傳前

又粘割貞傳當次納合蒲刺都傳後乃史官作傳成非

一時不復編次隨手錄入故草率如此

累官河東北路按察使轉運使 察下使字當削

烏林荅乞住 重幣十端 幣北作幣非

赴援中都戰歿 合達傳貞祐三年臨潢全慶軍變是也

傳文既不標年月又不敘源委但云戰歿殊未明析亦

史家之草率也

陀滿斜烈 斜烈死焉 案中州集李治中著有彰德死

節事亦宜附書此傳

尼厖古蒲魯虎 是歲大元兵取潼關 是歲當作十月

兀顏畏可 歷全安武勝軍 全當作金

是歲 二字當削

粘割貞 梅只乞奴 回离保傳奚五姓有梅知氏遼營

衛志作梅只

卷一百二十三

忠義傳三

目 完顏陳和尚 此下已加注斜烈

楊沃衍 此下已加注劉興哥 元世宗二十五年

姬汝作 此下已加注楊鵬

禹顯 此後當加張邦憲 又當加劉全

完顏陳和尚 系出蕭王諸孫 案秉德封蕭王列女特

罕氏尹氏傳同

為很凌突 很北作狠非

為刺掠之事 刺元北皆作剽是

斜烈名鼎 不必提行

搜伏於大竹林中得歐陽脩子孫 案此條為壬辰雜編

原文見圭齋集

楊沃衍 本屬唐和迪刺部族 和當作括

留下徒 下元作不是

不死王事 王北作主非

三年 三當作四

西夏萬餘騎 萬北作四是

拔劍斫之 拔北作拔非

關輔十里 十元作干是

烏古論黑漢 天興二十年 元作二年無十字是

內族糾魯 糾元作斜是

唐之糧多為鄧州所取 唐上元有又字是

鎮防軍 防北作方非

殺蒲察都尉 卽紀云部曲所食者

時裕州大成山 時當作惟

會鄧帥移瑗 移下當加刺

宗王安撫 宗元作宋是

醜定走蔡州 定元作兒是

陀滿胡士門 蘭州極陳僧等 極當作程

金軍乘之 金當作我

夏人遁去 此下當加詔進官三階

四年知河中府事 案胥鼎傳是年有領軍赴援事又興
定元年西征語傳略

姬汝作 是時此州 是時二字當改入下使傳所出文
上

汝輩經百死 汝此二字雙行夾寫元北並單行作此是
愛申 逸其族與名 族與二字當削 案官志吏部白

號姓有愛申白撒傳有定西州刺史愛申奴失刺安得
云非族乎

城中惟有義兵鄉軍 鄉字筆畫舛譌元北並作鄉是
力盡乃已 已元作破是北作死亦非

初問汝與從坦 初元作詔是

搜箠中 箠元作篋是

禹顯 願將軍二百人 願元作顯是

嘗集河朔步騎數千 千元作萬是

既而戰於王女寨 王元作玉是

權元帥府都監 府元作右是

顯適與真金一兵相失匿飯山寺中 真金元作負釜是

匿元作乞是

時年四十一 案姚燧牧庵集有楊閏死節事此傳亦應

附載

秦州人張邦憲字正叔 當作張邦憲字正叔秦州人
此別一傳當自提行

為永固令 卽徐州彭城之厥堦鎮元光二年升

劉全者 此亦別一傳當自提行 者字當削

卷一百二十四

忠義傳四

目 馬慶祥 此下已加注胥謙等

烏古孫奴申 此下已加注阿虎帶等

蔡八兒 此下已加注毛佺等

溫敦昌孫 此下已加注胡失打

馬慶祥 餘無所考 餘下元有亦字是

木甲脫魯灰 遙授武昌軍節度使 武昌當作昌武

大元兵攻藍關 藍當作潼

楊達夫 與衆行及韶避兵于州北之橫嶺 案韶字有

譌或有脫文

烏古孫仲端 安延珍 延當作廷

至西城 城元作域是 案仲端有西使記卽是時所作

見歸潛志

烏古孫奴申 吾古孫端 端上當加仲 案卽上烏古

孫仲端

蒲察琦 令改易中髻 髻當作髻

蔡八兒 毛佺者 案佺附于蔡八兒傳尾非別自立傳 不必提行

時開州刺史賚哥叛 賚元北並作賽是

二人皆捐家走城 城下當加中

餘各有傳 四字當削

溫敦昌孫 蔡城破 案文與昌孫戰死事不貫當有脫

誤更思之蓋史臣以胡失打救水事無所附遂強綴于

昌孫傳尾耳

前御史監察 當作前監察御史

完顏絳山 及侍從官巴良弼阿勒根文卿皆從死 巴

當作把

裏以敝衾 敝元作弊北作敝並非

畢資倫 如是十四年 四當作三

郭蝦蟆 會州為夏人所據近十年 十當作四 案紀

興定四年八月夏人陷會州十月圖復會州把胡魯傳 興定五年

議取 會州元光二年十一月鞏帥報會州破夏人之捷

并所遣郭倫哥等物 并下當加賜

以粘葛完展 葛紀作哥

甲午春金國已亡 甲午春當改作未幾聞

金史詳校卷九

同治庚午五月汪日楨校寫于會稽開元寺寺在清道橋東唐末董昌居清道坊即其故宅

金史詳校卷十

烏程施國祁學

卷一百二十五

文藝傳上

序 取汴經籍圖 圖下當加書

韓昉 天慶二年中進士第一 遼天祚紀是年放進士

韓昉等七十七人

乾文閣待制 燕雲錄丁未六月國裏朝廷指揮送南人

八員為太子伴讀令歸朝官待制韓昉館伴赴御寨

案傳脫書歸朝字遂不知昉以何官入金或即此待制

耶

明年加昭文館直學士 弔伐錄天會五年冊大楚皇帝
文云遣使特進尚書左僕射同知樞密院事監修國史
上柱國南陽郡開國公食邑二千戶食實封三百戶韓
昉 案此多借遼銜並非實職不足據

改禮部尚書 弔伐錄天會八年冊大齊皇帝文云副使
尚書禮部侍郎韓昉 書下當加監修國史紀

遷翰林學士 案熙紀天眷二年六月有論唐太宗明皇
語傳略

蔡松年 靖以燕山府降元帥府辟松年爲令史 燕雲
錄燕山蔡靖其子松年與眷屬同處金人養濟甚厚與

渤海通事道奴燕市中合開酒店 王繪紹興甲寅通
和錄金接伴使李聿興云蔡大學兒子松年見在三太
子處作令史

松年爲太子中允 松年當削

松年爲行臺刑部郎中 松年當削

薦松年爲行部員外郎 松年當削

松年素與穀不相能是時宗弼當國 十四字當削

由是構怨 此下當加是時宗弼當國

是歲松年遷左司員外郎 是歲松年四字當削 案上

文兩是時下文一是年可厭

而海陵以宗室子在宗弼軍中任使 十四字當削作海陵同在軍中

遂以□□□□正旦使 空五字元作松年爲賀宋是南本注缺四字非 松年當削 案紀表皆有賀宋文松年字疊見可厭

海陵愛宋使人山呼聲 張端義貴耳錄孝廟時取北人于閣門充贊喝聲雄如鐘有京洛氣象嘉定來多以明台温越人充聲皆鮑魚音矣

子珪 部曲錄蔡珪字正父餘杭人蔡靖之孫松年之子狀元楊建中榜及第葛王立除刑部侍郎

初兩燕王墓

至

據葬制名物款刻甚詳

一百十三字當

改作初中都東城外有兩燕王墓俗傳六國時燕王及太子丹之葬海陵廣京城圍墓在東城內嘗有盜發其墓東墓樞端題曰燕靈王舊珪定爲西漢高祖子劉建舊樞古字通用其西墓蓋燕康王劉嘉也作兩燕王墓辯據葬制名物款刻甚詳時人服其精當 案文敘次雜亂爲之易其位置節其閑文語氣稍順 夷堅志金天德三年五月以燕山城隘而人衆欲廣之其東南隅曰道州門西南曰西京門各有高邱俗呼燕王塚不能知其何代何王也及是立標將定基址東墓正妨礙郡

民于中夜聞人聲云燕王遷都皆出而觀之見鑾輅儀衛前後雜遝燈燭熒煌香風襲人羅列十里從東邱至西塚遂滅明日復然民以白府留守張君爲請于朝乃枉其壘以避之 案此宋人傳聞之譌

安國軍節度判官高元鼎至官贖外並的決 一百六十七字當削作安國軍節度判官高元鼎以監臨姦事求援珪坐與王脩任詢閻恕高復亨翟詢等受請屬各笞四十 案文藝傳不合入此等事且珪係坐累者總屬閑文作手止圖文字稍長耳可厭

有補正水經五篇 歐陽元圭齋集補正水經序略云金

禮部郎中蔡正甫作補正水經三卷是書因宇文氏有經傳相混之說而因以正蜀板遷就之譌其詳于趙代間者則因景純之所難若江自潯陽以北吳淞以東則又能使道元之無遺恨者也 案序云三卷乃知史文五篇之譌至中州集作補亡四十篇尤非

作南北史志三十卷 中州集作六十卷

文集五十五卷 陵川集有讀蔡正甫集後詩

吳激 命爲翰林待制 此下當加天會十四年使高麗表

馬定國 作辯萬餘言 案定國石鼓辯主宇文周時所

造文佚不得見姚氏殘語載其略云溫彥威使三京得
偽劉詞臣馬定國文云石鼓非周宣王時事乃後周文
帝獵于岐陽所作也史大統十一年獵于白水遂西狩
岐陽後人駁之者復齋碑錄研北雜志西神脞說趙古
則石鼓釋文序金薤琳琅金石史等書取之者熊仁本
石鼓論筆乘通雅金石文字記等書紛如聚訟余謂石
鼓乃無年月古刻其文初未標明周代徒以文近車攻
吉日之詩臆定爲周宣王猶以壇山刻石吉日癸巳文
近穆天子傳定爲周穆王實則無徵不信固屬可疑乃
疑之者又強指爲北周仍必泥于周代殊不可解至定

國之文稱西魏文帝爲後周文帝舛譌如此而人猶信
之尤不可解要之石鼓時代雖難于臆斷必是先秦古
物鄭夾漈摘岵毘二文與秦斤秦權同疑爲秦刻亦不
然也

任詢 書高于詩 書北作畫非

北京鹽使 案蔡珪傳宛平主簿婁室碑大名路都總管
判官傳略

趙可 號玉峯散人集 案歸潛志可有讀碑事傳略

蕭永祺 同修國史 此下當加三年使宋還

胡礪 部曲錄胡礪字元化山東密州人少被掠 韓昉

使從良狀元及第是年出好生德洽民不犯上賦題亮
時爲刑部尙書葛王立改翰林承旨

行臺平章政事高禎之汴 禎當作禎 傳

禎責之 禎當作禎

禎曰 禎當作禎

禎壯其言改謝之 禎當作禎 改下當加容

歲民錢五千餘萬 歲下當加徵

百官賀於廟堂 廟當作朝

再遷侍講學士 集禮貞元三年十月撰慈獻皇后謚議
年五十五 寰宇訪碑錄胡礪碑劉仲淵撰張砥正書明

昌七年十一月鄞范氏拓本

王競 詔作金源郡王完顏婁室墓碑 作當作校 高

士奇扈從 東巡日錄云大金壯義王婁室墓神道碑

高八尺八寸寬四尺五寸厚二尺二寸頂高三尺上鐫

翰林院直學士中大夫知制誥兼行祕書少監虞王府

文學輕車都尉太原郡開國伯食邑七百戶賜紫金魚

袋王彥潛撰文奉政大夫大名路兵馬都總管判官飛

騎尉賜緋魚袋任詢書丹額篆大金開府儀同三司金

源郡壯義王完顏公神道碑攷金史王彥潛姓名爵里

俱不載別載王競奉詔作婁室墓碑以行狀盡其實請

國史刊正之其名其爵與此不符今碑文鑿鑿可據足徵金史之闕略云 案高錄據碑駁傳是也竊意史館撰文必送太常校勘無競爲博士得預此議故下文有刊正國史時以爲法等語改作爲校庶可爲澹人解惑否

擢禮部尙書 部曲錄王競字無競相州人乃本朝王炎親兄嘗爲禮部尙書

是歲 當作十月

四年卒官 年下當加詔禱雨于北京尋競博學而能文 而字當削

善草隸書 集禮天德二年篆永甯永壽兩宮冊寶又徒單皇后冊寶又太妃蕭氏冊寶貞元三年篆慈獻皇后冊寶大定三年增諡睿宗并篆寶

兩都宮殿榜題皆競所書 圖經中都城各門外則墨書粉地內則金書朱地皆故禮部尙書王競書

楊伯仁 孟宗獻發解第一 孟上當加大定三年稱之 此下當加曰

改著作郎 改上當加伯仁 入爲左諫議大夫 此下當加使宋

池寒 池當作地

鄭子聃 部曲錄鄭子聃字純夫大定人先于亮初僭時
楊建中榜第三人及第出天錫智勇正萬邦賦除翼城
丞被召除書畫局直長至貞元四年亮令再試狀元及
第是年出不費異物民乃足賦爲翰林修撰尋遷修起
居注葛王立除殿中侍御史兼侍讀學士 齊乘金末
內翰鄭子聃知沂州作十愛詞云我愛沂陽好民淳訟
自稀誰言珥筆混萊夷行見離離秋草鞠園扉 案子
聃海世朝人于氏以爲金末誤

纂散 纂當作纂

兼直學士 此下當加使宋還表

党懷英 應舉不得意 應上當加懷英

累除汝陰縣尹 尹當作令

能屬文工篆籀 寰宇訪碑錄憫忠寺禮部令史題名記
大定十八年撰行書直隸大興重建惲國夫人殿碑二
十一年撰分書山東曲阜舊縣村天封寺碑二十四年
撰正書山東泰安石峽村王去非墓表二十五年撰分
書山東平陰祝聖壽碑明昌元年撰分書山東濟甯普
照寺照公開堂疏六年撰分書山東濟甯棣州重修廟
學記六年撰趙灃正書山東惠民州學王荆公詩刻六
年篆書山東濟甯重修文宣王廟碑六年撰分書山東

曲阜普照寺照公塔銘七年分書趙渢撰山東濟甯十方靈巖寺碑七年撰分書山東長清孔廟杏壇承安三年篆書山東曲阜谷山寺記泰和元年撰分書山東泰安

安
六年有事于南郊 六當作七

謚文獻 滏水集有文獻党公碑

卷一百二十六

文藝傳下

目 王庭筠 此下當加注子曼慶

劉從益 此下當加注子祈

趙渢 大定二十二年進士 此下當加由襄城令入為

應奉翰林文字入謝上謂宰臣曰此党懷英所薦耶對

曰諫議黃久約亦嘗薦之

周昂 年二十四 中州集作二十一

起為龍州都軍 龍州即隆州 官志諸府鎮都軍司都

指揮使一員正七品

王庭筠 河東人 河當作遼 案金石萃編博州碑陰

後跋云金之河東與唐宋異非也

劉昂 李純甫故人外傳云 八字當削 案句法非史

家體裁且攷中州集所引屏山外傳語乃上文張秦娥

事故遺山下此語作結若下文昂早得仕云云自是遺山自敘並非外傳文紕謬抑太甚矣

宗室從郁 案柏鄉縣尉蘭君碑後有皇叔觀察使從郁詩刻見河朔訪古記卽此

劉從益 天會元年詞賦進士 元當作二 士下當加第一

其歲入七萬石 七當作二
流亡歸者四千餘家 中州集作二千

呂中孚 中孚有清漳集 有上當加孝友純至雅爲鄉人所稱累舉不第以詩文自娛 案史旣特爲中孚立

傳豈得僅以有清漳集四字了之中州集本傳數語必

應補入

召爲官教 官當作宮

李純甫 正大末 當作元光間 案此承歸潛志之譌張子和儒門事親純甫卒于元光時

王鬱 少居釣臺 釣北作釣非
宋九嘉 入爲翰林應奉 爲下當加右警巡使

李獻能 文刻意樂章 文元作又是
王若虛 章宗宣宗實錄成 章宗二字當削

好問張信之喻以立碑事 好上當加元

乃令子忠先歸 六字當削作乃 案遺山集銘文先有
嚴公遣子忠偕行故後有遣歸之語本文上既已節去
子忠事下文仍著此語是何根據

前行視夷險 前北作同非

王元節 大定三年 定當作安

麻九疇 以誤出 出當作黜

及知嘗師九疇 及當作乃

盡博其學 博元作傳是

劉微 微當作徵

李汾 呈翰表 表當作長

元德明 歷內鄉令正大中為南陽令 十一字當改作
正大中為鎮平令轉內鄉丁母憂再辟南陽令 案史
文先內鄉後南陽與陵川集銘先南陽後內鄉皆非也
今据大德碑本改定又兩碑皆云天興初入翰林知制
誥第攷錄大梁事崔立變後止稱左司員外郎縱有此
命亦出立手史不取之是也

卷一百二十七

孝友傳

陳顏 顏艱關渡河 艱當作間

孟興 興下當加雲內人

王震 特賜同進士出身 特上當加明昌三年
隱逸傳

序 其立心造行之異同 同北作固非

褚承亮 河朔訪古記真定西關外社壇西北隅城濠之
側真定縣境上也有褚先生墓墓上小碑一通十二月
謁拜墓下

王去非 党懷英醇德王先生墓表先生諱去非字廣道
上世東蒙人系出琅琊諸王遷居平陰之石峽邨其先
世曾祖及祖臻考通皆有隱德先生束髮知學問爲文
章不屑爲進取計嘗試有司不合卽屏去舉業益探六

經百家之言務爲博瞻精詣雜取老莊釋氏諸書采其
理要貫串融會歸諸大中要本于吾儒修身養性之道
自信而力行之其發于情接于物者求諸古人或難焉
鄉人化服翕然咸尊之先生無他營獨妻孥耕織以給
伏臘弟子贄獻資以惠人十常居八九人有求貸者先
生不能給更貸諸富家約以時償及期其人以寔告先
生曰信可失乎賣田代償之棄其券不復問嘗適野有
遺金帛于路者爲守視不去須其人還訪與之門人班
忱親老子稚不能朝夕女已及笄先生爲辦妝具擇士
壻嫁之因以成家賴以婚娶者甚眾比鄰有喪東出則

犯禁而眾不利南則鄰者忌之西北則人居不可行先生曰世甯有死而不得葬者葬而害眾甯獨任之乃壞其蠶室之壁出焉里中惡少嘗遇醉酒嫚罵先生恬無愠色復引之坐罵益甚久之始去明日惡少來謝先生爲避不見或曰彼恃酒以逞謂當少加責誚奈何反避之先生曰彼之來旣知過矣見之必重其愧是以避也惡少聞之感服更析節爲善先生之教人皆因其材而勉其所可至凡所荅問得孔子教仁教孝之意或挾他道見則就其所學而引之正有問以釋氏之戒定慧道家之攝生者則對曰易之寂然感通中庸之中和詩之

思無邪非定慧與孔子荅顏淵視聽言動勿以非禮非戒與易之慎言語節飲食孟子之養心寡欲非攝生與蓋未嘗深詆佛老而其徒往往自棄其學而學焉先生制行不爲崖異有請焉無賢不肖必爲之盡言或怪其不擇曰善者我進之不善者我勉之誠均入于善奚必擇焉故受業于門者人皆以爲厚于己也先生歿門人議謚之皆曰先生之德所謂大醇者非耶乃名曰醇德於是進士楊好古以太山先生李守純之狀與涿郡軍事判官東平趙灝所錄事實來京師屬鄙文以表諸墓懷英昔年宦游山東是時東阿張子羽荏平馬定國奉

符王頤東平吳大方與其兄大年郭弼趙憲懿申公綽
諸公與先生相友善講論道義援據古今以孔孟所傳
爲諸儒倡其後出者聞于朝處者行于鄉雖隱顯不同
而皆以先生爲歸諸公相繼棄世幾二十年先生獨無
恙其力道益強傳道益宏信于人者益著士大夫聞先
生之名過者必見車者必式石峽舊以安樂名鄉後邑
之賢者改曰居賢著其行也先生有曰君子得志則行
道不得志則明道不必與邪說辯辯而勝尤激怒之其
害道滋甚故孰將闢之甯自翼之孰將驅之甯自扶之
邪說之勝久矣善爲道者其在扶而翼之與蓋與韓愈

歐陽修同所以行之或異二子達而顯其用力易故決
以剛先生窮而約其用力難故順以化所遭者然也故
子論其功與二子表裏云先生性非書無所好晚歲構
堂曰困拙日以名教自樂蓋得于性命之說爲深死生
之際泊然大定二十四年十二月二十二日終于家
享年八十有四諸孤與門人以明年正月二十有五
日奉先生之喪葬于三山先塋之側先生前是以年得官
九品及葬遂以其服禮也葬之日四方來送者三千餘
人叢立巨崖爲崩嗚呼異哉銘曰古學搶攘道有裂淫
慝滅性恣剽竊已潰不支矧可遏或激其瀾益善決惟

韓歐陽道未溺偉哉先生復世出所遭雖殊用則一守
經會異正塗闕有來歸之使順適儒雅振振被鄉邑兒
童知書曰成德噫天生賢鮮遏抑惟窮而隱徒乃集岳
神降靈要終嗇割然響裂應萎哲三山泉谷隱封巖不
亾者存此其息高風凜然世所式以詔後人視諸石
北鄰有喪 北當作比

大定二十四年卒年八十四 案博州廟學記大定二十
一年立文載去非年八十一正合

趙質 案秋澗集家傳作植易名質梁肅傳大定初上書
人卽此

金鏹王絡 鏹當作鏹 王元北並作玉是

薛繼先 字曼卿 此下當加猗氏人

監察御史石玠行部 卽武仙傳之行部石子堅

張潛 案厲氏遼史拾遺引武清縣志以爲遼人非也續

夷堅志所云張古人卽此

王汝梅 生徒以法經就學者 經中州集作理

辛愿 自是生事益狼狽 狽當作狼

卷一百二十八

循吏傳

序 承海陵彫勅之餘 勅已作勅與元本合

盧克忠 貴德州鳳集人 地志作奉集

牛德昌 府尹王伯龍 案傳天德三年合

范承吉 天眷初 眷當作會

凡數千人 北無人字非

所入增十數萬斛 數當作餘

王政 辰州熊岳人也 辰州明昌六年改益州史未追

改故仍遼舊稱辰州

及金兵伐宋 金兵二字當削

除同知金勝軍節度使事 金勝軍未詳

遷保靜軍節度使 案地志北京建州作刺史非節鎮

遵古有傳 有上當加子庭筠 案遵古無傳僅附見子

庭筠傳 章紀承安二年六月以澄州刺史王遵古為

翰林直學士 寰宇訪碑錄昌甯公廟記王遵古撰正

書大定十三年山西汾陽

張奕 字彥微 微當作徽

都統完顏魯補 魯上當加阿

李瞻 以為興平府判官 府當作軍

金兵圍汴 金兵二字當削

劉敏行 凡遷 凡下元有九字是

傅慎微 喜著書嘗奏興亡金鏡錄一百卷 案世善堂

書目有之疑偽 寰宇訪碑錄宗城縣宣聖廟記傳慎

微撰翟炳正書正隆三年四月直隸大名

劉煥 樞密使僕散忽土家有條結工 條元作條是

案忽土即師恭

孫德淵 興中州人也 州當作府

趙鑑 案此傳當在孫德淵傳前

石林元 僕撒掃合 撒元作散是

武都 遷樂州刺史 樂元作灤是

由海道漕遼東粟賑山東 案此事為元人海運之漸

蘇保衡傳海陵命造舟通州率師泛海竟趨臨安則在

前矣 北盟會編紹興三十一年七月崔陟上兩府劄

子云金人戰船係是福建人倪蠻子打造七百隻皆是

通州樣子已發在濱州蒲臺縣伺候閱習

紇石烈德 肇州升為武興軍節度 升上當加復

張特立 元史入隱逸傳

躬耕祀之章城 章當作園 案此据地志歸潛志作汜

之圍城尤非

左丞侯擊 擊元作摯是

固劾省掾高禎輩 固元作因是 禎元作植是 案下

文作植歸潛志同

左遷邳州軍士判官 士當作事

王浩 洛陽令張特立 此下當加高陵令宋九嘉葉令

劉從益 案二人皆列文藝不得云無傳想作此傳時

未立文藝之目故止云三人至列傳後必當改加為合

乃總裁失檢處

三人有傳 三當作五

高陵宋九嘉 五字當削

葉縣劉從益 五字當削

卷一百二十九

酷吏傳

高閭山 案攷異云閭山死國事可掩其罪故酷吏傳可

省而不及合住者以合住等尤不足錄也

蒲察合住 人知其蠹國而莫敢言 蠹北作蠹非 言

下當加累官祕書監權吏部侍郎

佞幸傳

蕭肄 以手劒釐其口 釐當作勞

張仲軻 宋余康弼 康元作唐是 案攷異亦云當作

唐

宋賀正旦使施臣 臣元作巨是 案北盟會編作施鉅

字大任

李通 累官右司郎中 此下當加改左司使宋還紀表

阿里骨列 阿北作河非

拜參知政事 此下當加憂制起復如故紀

曰朕昔從梁王至無懷疑懼 六十字當削作語已見紀

白晝公行 晝北作晝非

大理正耶律道 此卽九十卷名按之移刺道正本傳作

承

當厚加旌賞 旌北作施非

見白兔 兔已作鹿

於是尙書省 於是二字當改作十一月

拊髀歎曰 拊北作推非

馬欽 嘗仕江南 案宋高紀紹興十五年三月甲子遣

敷文閣待制周京馬觀國史愿諸將程師回馬欽白常

皆還金國

是日起前翰林待制大穎至故復用穎而放欽焉 五十

二字當削 案文已見世宗紀

蕭裕 海陵爲中京留守與裕相結 東京二字當削

裕當削

密謂海陵曰 海陵當削

海陵竟成弑逆之謀者 海陵當削 竟當作後

除裕兵部侍郎 裕當削

海陵雖自良鄉召還 雖當作乃

以裕為秘書監 裕當削

傾險巧詐 四字當削

海陵殺宗本 海陵當削作遂

海陵既詔天下 六字當削

海陵賞誅宗本功以裕為尚書左丞 海陵當削 裕當

削

海陵以命裕謂裕曰 以字當削 謂裕二字當削

裕為右丞相 裕當削

裕在相位 裕當削

藥師以其言奏海陵 奏上當加入 海陵當削

海陵以為忌裕者眾不之信又以為人見裕弟蕭祚為左

副點檢 為忌裕者眾不之信又以為十一字當削

為左衛將軍 左北作在非

海陵弟太師充 海陵弟三字當削作又

而海陵猜忌嗜殺裕恐及禍 而海陵當改作且見其

裕當作終

往結西北路招討使蕭好胡好胡即懷忠 好胡好胡即

五字當削

招折前爲中丞以罪免以此得詣懷忠 十五字當削

懷忠問招折 招折當削

因執招折收朗 招折當削作之并

遙設亦與筆硯令史白蒼書 遙上當加會

使白蒼助裕 白蒼當削

命殺白蒼于市 白蒼當削

點檢徒單貞 點上當加適

遇見白蒼問其故因止之徒單貞已奏變事 十七字當

削作遂

海陵使宰相 海陵當削作復

裕卽款伏 裕當削

引見裕 三字當削

海陵復問曰 海陵當削

海陵復謂裕曰 謂裕二字當削

又謂之曰 謂之二字當削

屯納往之詳茶扎家 之詳當削

罪當贖 罪上當加議

藥師嘗奏裕有怨望至是賞之云 十三字當削 案傳

文凡一千四百言三十九裕字三十三海陵與前昭妃

傳三百四十言十一海陵十一阿里虎定哥傳七百六

十言十五海陵二十四定哥八藥師奴彌勒傳一百六十言八彌勒五拱字徒單恭傳六百七十言二十三斜也十四海陵十兀魯與後秉德傳七百八十言二十四秉德十二海陵唐括辯傳五百四十言二十六辯字十三海陵烏帶傳四百六十言十四烏帶十海陵大興國傳五百八十字十三興國十海陵徒單阿里出虎傳四百六十言九阿里出虎僕散師恭傳六百七十言九師恭十四忽土九海陵徒單貞傳一千四十言三十四貞字十四海陵李老僧傳二百九十言十老僧十海陵等同爲一副筆墨不知此種拖沓文法何自得來大抵世

宗喜暴海陵螫惡是以史臣多迎合上旨不厭費辭專取明白易曉便可求得美官一時遂爲風尚而圭齋失于刪削矣

胥持國 使宋 案此使紀表不詳當在明昌二三年

承安三年 三當作二

同知安豐軍節度使事 案全州磐安軍節度使治安豐縣或承安始立時曾名安豐耶

起知大名府事 名當作興紀

不宜典軍馬 軍北作君非

如貨酒樂平樓 樂平元作平樂是 案官志作平樂

卷一百三十

列女傳

阿鄰妻 案阿鄰失詳氏族

韓慶民妻 慶民不屈而死 案慶民節度宜州已降復

叛太祖紀天輔七年正月宜州降二月復叛故本紀書法與殺平州張敦固

同例太宗紀天會二年十一月闍母下宜州殺節度使韓慶民世宗節操一語專指

其妻言也傳云不屈死非實錄 又案遼史拾遺云天

祚亾殉國者寥寥故遼史無忠義傳慶民亦忠義中一

人史何以不為立傳其妻不屈于金而死宜改入遼史

列女傳余謂慶民妻當入遼史是也慶民則遼史不應

立傳但以其降金復叛被殺事附見其妻傳中可也

雷婦師氏 封臂肉 封北作封非

阿魯真 乃冒險自拔南走 冒北作冒非

獨吉氏 千家奴之女 千家奴即思忠

蒲察氏 鄜州帥訥申之女 帥北作人非

完顏仲德妻 親運矢石於城下 陵川集仲德行院詩

云夫人徒步自拔來命婦搬礮自我始是也

卷一百三十一

宦者傳

序 惟海陵時有梁琬章宗時有梁道李新喜天政 天

元作干是

梁琬 以闔豎事海陵 豎當作豎 案攷異云當附佞

幸傳是也

宋珪 案攷異云當附忠義傳是也

方伎傳

目 案改次已見總目以下傳次亦隨改焉

馬貴中 海陵伐宋 海上當加五年正月

去年十月甲戌熒惑順入太微至屏星留退 宋志紹興

二十九年十月辛未熒惑順行犯太微垣西上將十二

月辛酉留太微垣內屏西南星

鎮戎軍地震 鎮上當加二月辛未志

伏陰逼陽 五行志作伏陽逼陰非

二月甲辰朔日有暈珥戴背 十一字當改作七月乙酉

月食九月丙申太白晝見先是志

前年八月二十九日太白入太微右掖門九月二日至端

門九日至左掖門出 宋志紹興三十年八月癸亥太

白順行犯權大星丁巳犯掖左角少民星

十年十一月 此上當加九年為高麗生日使

武禎 哀宗至蔡州 哀上當加天興二年六月

天興二年 四字當削

宋帝問曰 宋元作未是

李慶嗣 洛人 洛北作洛非

所著傷寒纂類四卷改證活人書二卷 並見世善堂書

目疑偽

針經一卷 亦見世善堂書目疑偽 案諸家書目每好

妄列亡書以誇收藏之富未足盡信

紀天錫 大定十五年上其書授醫學博士 案輟耕錄

作宋人非

劉完素 乃撰運氣要旨論至注二萬餘言 四十一字

當改作大定中嘗自序其說云自漢末南陽張仲景述

傷寒方論以詔後學近世朱奉議本之作活人書間有
未合處由未知陰陽變化之道所謂木極似金金極似
火火極似水水極似土土極似木者故經曰亢則害承
乃制謂已亢過極則反似勝己之化也世人誤似作是
以陽爲陰失其意矣因編集九篇三卷勒成一部名曰
內經運氣要旨論復宗仲景傷寒雜病脈症方論集成
一部三卷名曰醫方精要宣明論且以識病之法歸于
五運六氣之化謹率經言二百餘字特舉二百七十七
言獨爲一部名曰素問元機原病式又著傷寒直格十
卷素問病機氣宜保命集三卷

然好用涼劑 江湖長翁集題養老書云諸子得此書其術中國所傳藥食好涼中土宜用之東南當審處之

以降心火益腎水爲主 腎元作腎是

自號通元處士云 此下當加章宗承安間詔徵不就賜號高尚先生 云字當削 案河間醫學不獨爲金源一代偉人自可卓立千古史家敘次率略并時代不詳大非知人論世之旨故取其自序并附逸事繫年以補之

張元素 自爲家法云 此下當加大定末與完素齊名號曰劉張時論謂完素用藥推陳致新不使稍有悞鬱

正造化新新不停之義苟學者未悉其蘊則劫效目前陰損正氣遺禍後日者多矣元素用藥依準四時陰陽升降而增損之正內經四氣調神之義苟學者未盡其妙則瞑眩之藥終不敢投失機後時者多矣能用其長而無其弊則庶幾乎子雲岐子璧能世其業 案潔古不著書此采其弟子李東垣評語庶可見潔古之學自足與河間抗衡當世

張從正 其法宗劉守真 守真當作完素

多取效 此下當加宣宗朝召入太醫院旋告去名重東

州

號張子和汗下吐法 北無法字非

此庸醫所以失其傳之過也 所以二字當削

有六門二法之目 二當作三

卷一百三十二

逆臣傳

秉德 起復為兵部尚書 復下北有後字非

乃與秉德謀弑熙宗 秉德當削

以秉德為右丞相 秉德當削

時秉德方在告 秉德當削

以秉德首謀廢立 秉德當削作其

言秉德有福 秉德當削作其

貌類趙太祖 案宋使見宗翰有此語子忠以其孫遂附

會之

秉德妻 秉德當削作其

秉德招刑部侍郎漫獨曰 秉德當削作又

殺秉德 秉德當削作之

追復秉德官爵 秉德當削

施為佛寺 卽壽康宮

唐括辯 海陵謂辯曰 將如我何 一百三十二字當

削改作語詳海陵紀熙宗怒

俱會於辯家 辯當削作其

辯等以刀藏衣下 辯等二字當削作各

辯嘗言 辯當削

辯因設饌 辯當削

嘗與辯觀太祖畫像 辯當削

海陵指示辯 辯當削

由是疑辯益忌之 疑辯二字當削

與徒單拔改 卽下阿里出虎父

後辯子孫上書 辯當削作其

烏帶 言本名烏帶 案諸本並以言本名三字綴于上

唐括辯傳尾烏帶二字提行大誤攷異云可笑之甚是也

烏帶爲平章政事 烏帶當削

烏帶妻 烏帶當削作其

故出秉德已而殺之 八字當削改作故殺秉德

以秉德世襲猛安謀克授烏帶 十二字當削 案此授

複見下文縱世襲與本封或異亦何必兩番敘出

進右丞相 進上當加遂

海陵與烏帶告秉德事 與元北並作以是 烏帶當削

作其

烏帶獨免 烏帶當削

知烏帶率百官出朝惡之 十字當削改作知而惡之

詐為烏帶哀傷 烏帶當削

子塘 塘元作塘是

大興國 且度興國無罪被杖 興國當削作其

興國固辭不敢 興國當削

興國取符鑰 興國當削

以興國為廣甯軍 興國當削

再賜興國錢千萬 興國當削

徒單阿里出虎 遂許以女妻阿里出虎子 阿里出虎

當削作其

以阿里出虎為右副點檢 阿里出虎當削

尙榮國公主合女 合女未詳

阿里出虎伏誅 阿里出虎當削作遂

僕散師恭 本名忽土 本上當加或作思恭 案師思

音近乃異文歧出史以為改名非也傳首既題師恭傳

中亦作師恭明師恭與思恭無異也 又此傳敘事前

半俱稱忽土後半俱稱師恭判若兩人殊乖史法

忽土許之 忽土當削

忽土為左副點檢 忽土當削

賜忽土第一區 忽土當削

命忽土與蕭懷忠北伐 忽土當削

忽土入辭甯德太后 忽土當削

幹魯補 補北作袖非

師恭臨刑 師恭當削

遂族滅之 族北作旋非

兄渾坦 此下當加自有傳

徒單貞 忒黑闐刺人也 黑當作里 案顯宗后傳作

里

貞與海陵 貞當削

以貞為左衛將軍 貞當削

封貞妻 貞當削作其

正隆二年 二當作四

至貞第 貞第二字當削

召貞詰之 貞當削

降貞為安武軍節度使 貞當削

拜貞御史大夫 貞當削

以貞女為皇太子妃 貞當削作其

除貞為太原尹 貞為二字當削

貞即引伏 貞當削

詳校傳

貞停職否 貞當削作已

降貞為博州防禦使 貞當削

降貞妻為清平縣主 降貞二字當削作其

轉何中尹 何元作河是

賜貞妻 貞當削作其

帶以妻殞 帶上當加烏元作言以妻殞 案言即烏帶

之名然本傳及各傳俱稱烏帶

貞妻梁國夫人 貞當削

無何 此下當加改葬 王脩傳

貞妻進封梁國公主 貞當削

李老僧 海陵以為省令史 海陵當削

使老僧結興國 老僧當削

終為海陵取符鑰 為海陵三字當削

以老僧為同知廣甯尹事 老僧當削

馬牛各二百 二北作一非

老僧由是不忍致亨死罪 老僧當削

再使小底訛論促老僧 老僧當削作之

老僧乃與亨家奴六斤 老僧當削

故榜殺之 此下當加耶

海陵以老僧 海陵當削作又

遂降老僧爲易州刺史 老僧當削

完顏元宜 部曲錄耶律勸農使人不知其名止以勸農

呼之亮寇淮甸除威勝統軍弒亮者此人首謀也葛王

立除平章政事 又耶律母里哥勸農之子自宿直將

軍殺亮後除蠡州刺史又除右翼都監

頗涉煩碎 頗北作顏非

紇石烈執中 詔左丞相襄征伐 詔下當加從 征伐

當作北征

涑州人 州當作水

李炳 炳當作仲略 傳

貪殘專恣 至 豈容有跋扈之臣 九十七字當削改作語

見鑄傳

武衛軍鈴轄 鈴元作鈴是

由元通門入 元通元作通元是

遽召漢軍 漢上當加大

永定軍節度使 永北作水非

獨文學田廷芳奮然曰 文學紀作拾遺

以爲右副元帥 右紀作左

泰甯軍節度使 泰北作奉非

論 世家聲其罪 家當作宗

國欲不亾 亾北作云非

卷一百三十三

叛臣傳

序 故作叛臣傳 元無故字是

張覺 何可輒為叛逆 可元作苦是

張敦固等皆加徽猷閣待制以銀絹數萬犒軍 十八字

當削

入于燕京 此下當加州人執其父及二子以獻紀

責宋安撫司 安撫司三字當削

匿之於甲仗庫 於甲仗庫四字當削

金人識之 金人當作宗望

安中不得已至及金人伐宋 六十六字當削改作安中

不得已殺覺函其首以與使人其後伐宋 案此乃史

官襲宋文入金傳不知其語氣不合也

子僅言 案昭德后傳作謹言又考異云不當入此是也

擬改入敬嗣暉傳後

役夫掘地 夫北作犬非

銀汞 汞北作永非

贈輔上將軍 輔下當加國

耶律余睹 遼史本傳一名余都姑國族之近者也慷慨

尚氣義保大初歷官副都統其妻天祚文妃之妹文妃
生晉王最賢國人皆屬望時蕭奉先之妹亦爲天祚元
妃生秦王奉先恐秦王不得立深忌余都將潛圖之適
耶律撻葛里之妻會余都之妻于軍中奉先諷人誣余
都結附馬蕭昱撻葛里謀立晉王尊天祚爲太上皇事
覺殺昱及撻葛里妻賜文妃死余都在軍中聞之懼不
能自明被誅卽引兵千餘并骨肉軍帳叛歸女直會大
霖兩道途留阻天祚遣知奚王府蕭遐買北宰相蕭德
恭太常袞耶律諦里姑歸州觀察使蕭和尙奴四軍太
師蕭幹追捕甚急至閭山及之諸將議曰蕭奉先恃寵

蔑害官兵余都乃宗室雄才素不肯爲其下若擒之則
他日吾輩皆余都矣不如縱之還給云追襲不及余睹
旣入女直爲其國前鋒引婁室孛革兵攻陷州郡不測
而至天祚聞之大驚知不能敵率衛兵入夾山余睹在
女直爲監軍久不調意不自安乃假游獵遁西夏夏人
問汝來有兵幾何余睹以二三百對夏人不納卒

太祖於國中 國下當加書

沈璋招集居民還業者三千餘遷太常少卿 十七字當
改入沈璋傳

今聞汝謀叛 叛北作判非

殺萬餘人 此下當加四年宋主因國信使蕭仲恭付以蠟書託構余睹仲恭歸上其書而余睹不知也 案太宗之見疑余睹之終叛職此之由豈容略去故據紀補其宋人黃絹間諜結構書全文載弔伐錄今已錄入交聘表注

余睹留西京 案八年有追討大石事見韓奴石家奴傳此略

余睹謀反 金節要兀室獵居庸關之東憩于山上遙見二騎馳遞者相遇于道立馬交談久而分去兀室疑之命數騎追一人至詰曰爾何人也曰余睹使者以軍前

詣燕山槁里統軍司兀室曰爾適相遇者彼何人也曰彼乃槁里統軍司之詣余睹者兀室曰爾等適立馬話及何事曰問候兀室曰非也問候之語無許久又曰話別兀室曰亦非也話別之語無許久又曰敘家事兀室曰家事故非立馬敘又曰敘往事兀室曰往事亦非立馬敘馳者詞窮面赭又且戰慄不已兀室察其言色兼素疑余睹槁里皆契丹反覆之徒因以詐折之曰我知爾二人爲余睹輩謀者近有人密告余睹槁里反期于今日各有使至我故來此伺之果得爾輩夫何隱焉馳者果余睹議反者也彼謂兀室果知故不敢隱余睹之

叛由是敗粘罕自燕山令兀室西捕余睹兀室至雲中
余睹已走兀室盡誅余睹殘黨

蕭特謀 謀下當加葛紀

移刺窩斡 語在鶴壽傳中 鶴壽當作蒲睹

括里收餘眾趨京 京上當加東

討平之 平字當削

蕭頤 頤當作蹟紀

於是白彥恭為北面兵馬都統紇石烈志甯副之 白上

當加樞密副使 紇上當加開封尹

完顏敬英 完上當加中都留守

世宗使移刺扎八 此上當加大定元年十月

正隆六年 四字當削

吾扎忽 案本傳復有僕散渾坦神土懣此略

詔曰尚書省 詔曰當作又詔

授真定總管 定字當削

及屯川州武平縣 平當作安

淄州刺史尼厯古鈔兀 淄州刺史當改作慶陽少尹傳

賊畧餘騎 畧已作四百

為驍騎萬戶 為上當加烏延查刺紀

右宣徽使亨 亨上當加宗

詳文一傳

以紇石烈志甯爲元帥右監軍 此下當加右副元帥完

顏謀衍

紀

謀衍里斜哥 里元作男是

起運在中都弓萬五千箭一百五十萬至懿州 十八字

當改入上發驍騎軍二千文上

平章政事移刺元宜甯昌軍節度使宗敘入見詔使自中
道卻還軍中宣諭元宜謀衍注意經略邊事師久無功

四十三字當削改作先是平章元宜將人見詔使自
中道還軍令宣諭謀衍師久無功注意經略邊事及甯
昌軍節度使宗敘入見備奏謀衍用兵不合事機狀

案文敘次不明今據紀傳改訂

尙書右丞僕散忠義 尙上當加會

忠義拜平章政事 忠義拜當作卽拜忠義

以大名尹宗尹爲河南路統師使 十三字當削作以

蠹費財用 蠹北作蠹非

以兵五千 思敬傳作二千

宗亨統之 亨北作京非

與右翼軍戰 與上當加復 右當作左

又其部族皆降 此下當加窩斡西走志甯宗敘追躡至
七渡河敗之踰渾嶺復襲之 案文兩戰不容略去據

紀傳補

温迪空阿魯帶 空元作罕是

詣右都監完顏思敬 此下當加降

其後宋季世輔 季元作李是

卷一百三十四

外國傳上

西夏 事具遼史 案入紀收國元年乙未為乾順雍甯

二年其歷世改元已詳交聘表茲不錄

奉詔有之 之當作云

天會二年乾順遣把里公亮等來 天會二年已作三月

辛未

獲二帝 此下當加立張邦昌為楚國

乃畫陝西分界 案文詳弔伐錄已載入地志

涇原 此下已加路

乃知為夏將李遇 宋本傳延安帥臣王庶遣謀間其用

事臣李遇即此

天眷二年國王乾順薨 宋本傳紹興九年六月四日殂

諡曰聖文皇帝廟號崇宗墓號顯陵在位五十四年長

子仁孝立

請置榷場許之 此下當加六年正月復賜以邊地 紀

初王阿海等至始遣使賜之 九十一字當改入下如舊

禮文下 案據紀表改移

初暴洧以環州降至詔書責讓之 五十四字當改入上

皇統元年文上 暴洧當作慕洧元作暴有尤非 案

洧奔夏國在天眷元年夏人族洧在天眷二年與宋本

傳紹興十一年六月夏樞密使慕洧弟濬謀反伏誅正

合

詔書嘉獎 此下當加乞互市從之紀

完顏達吉不 不字當削

夏遣其武功大夫細臥文忠等 細當作紐表

屢以為請 案表大定四年梁維忠六年李克勤兩奏是也

任得敬抗禦有功遂相夏國二十餘年 宋本傳紹興三

十年即正隆三年夏夏封其相任得敬為楚王

宋以蠟丸書五月宋本傳乾道三年五月夏臣任得

敬遣間使至四川宣撫司約共攻西番虞允文報以蠟

書七月使再至夏人獲其帛書送于金人六年得敬以

謀篡伏誅

乃滅罷保安蘭安榷場 蘭安當作蘭州

先是尚書奏 書下當加省

明昌四年仁孝薨 宋本傳紹熙四年九月二十日仁孝
殂年七十在位五十四年謚聖德皇帝廟號仁宗墓號
壽陵長子純佑立

承安六年 六巳作五

泰和六年三月仁孝弟仁友子安全廢純佑自立 宋本
傳開禧二年正月二十日廢遂殂在位十四年謚昭簡
皇帝廟號桓宗墓號莊陵崇宗孫越王仁友子安全立
大安三年安全薨 宋本傳嘉定四年八月五日殂在位
四年謚敬穆皇帝廟號襄宗墓號康陵族子遵頊立
族子遵頊立 宋本傳齊國忠武王彥忠之子

金兵敗績于會河堡夏人乘其兵敗侵略邊境而通使如
故 金當作我 其當作我 案衛紀大安二年八月
侵葭州韓玉傳二年有陷邠涇圍平涼事 又案紀崇
慶元年三月遣使冊李遵頊爲夏國王十二月謝封冊
表同傳略

攻保安州 此下當加犯慶陽府 紀

陷涇州 涇當作鞏 夾谷守中傳

詔移文荅之 案宣紀貞祐二年八月丁未作責之

移文責問 案紀十一月辛未作荅牒

三月攻環州 三當作二 紀

三月詔議伐夏 紀在五月

優給其有 有元作直是

起析橋 析元作折是

斬馘其眾 其元作甚是

詔封還其牒 詔北作討莽

慶山奴 奴北作如非

敗夏兵于寇安堡 寇安當作安塞紀傳

宣宗與皇太子議伐夏 案胡土門石倫慶山奴三傳皆

無文惟塔不也傳有此語亦空言耳

五月夏人入葭州 案紀五月乙酉歸國人言元兵攻夏

王城遵頊出走西涼傳略

三年閏月 閏當作四

金師敗績 金當作我

是月詔有司 是月當作丙子

乃解去 此下當加十月犯綏德州合達敗之紀傳

詔樞密院 樞北作樞非

白撒連敗之 此下當加十一月攻安塞堡合達追襲之

大潰 紀

遣人伐將 伐當作代

三年二月遵頊死 宋本傳嘉定十六年遵頊自號上皇

寶慶二年殂年六十四在位十二年諡英文皇帝廟號神宗子德旺立

七月德旺死 宋本傳丙戌七月殂年四十六在位四年廟號獻宗

嗣立者史失其名 宋本傳清平郡王子南平王覲立二年丁亥秋爲大元所取國遂亡 案宋金二史皆元代所修夏主名覲見于宋史而史臣全不檢照以爲失名疏略乃至于此

卷一百三十五

外國傳下

高麗 高麗國王王楷 案高麗史肅宗明孝王諱熙立

于丁丑爲女眞穆宗四年下文有使聘等事睿宗文孝王諱侯立于丙戌爲女眞康宗四年下文有攻戰等事且入紀收國元年乙未文孝已在位十年不應率然以王楷冠首據始事當云國王王熙據入紀當云國王王侯 又歷世改元亦詳交聘表

保寧年山 年已作牟與元本合

穆宗時 東國史略肅宗明孝王諱熙字天常二年東女眞寇鎮溟縣東北面兵馬使金漢忠遣判官康極與戰克之斬首四十級 案此戰事傳略明孝二年戊寅爲

穆宗五年

醫者歸至高麗 史略有東國醫自完顏部來言女真居黑水者部族日強兵益精悍王使相通卽金之先也部族日彊 彊元作疆非

復遣斜葛與幹魯罕往聘 史略明孝八年東女真太師

盈歌來朝 案往聘來朝各成史法史略作八年非當

在明孝八年癸未卽穆宗十年方與世紀及本傳合

二年甲申高麗來攻 史略明孝八年命門下侍郎林幹

伐女真女真者本靺鞨遺種散居山澤未有統一盈歌

雅束爲其長頗得眾心界上有連山險絕人馬不得渡

間有一徑俗謂瓶頂若塞其徑則女真路絕故邀功者獻議請出師平之幹與女真戰于定州城外敗績初內侍林彥主出兵之議直史館李永曰兵凶戰危不可妄動彥當無事時欲出兵生釁不可也王不聽幹又邀功引不戰之兵遽出與戰遂敗復以尹瑾爲東北面行營兵馬都統與女真戰斬三千餘級我軍死傷陷沒者過半軍勢不振遂卑詞請和結盟而還

輒至杖蔓 杖元作枝是

其嘗陰與高麗往來 其北作兵非

康宗以爲能 史略明孝九年乙酉王薨太子卽位諱俛

字世民肅宗子睿宗 案此卽康宗三年
築九城 史略睿宗文孝二年時咸州以北没于女真睿
宗有恢復之志將伐女真發兵十七萬以尹瓘爲元帥
吳延寵副之瓘與中軍兵馬使金漢忠左軍兵馬使文
冠右軍兵馬使金德珍各統兵由定州分道而進梁維
善鄭崇甫甄應陶等領兵船出麟浦道會之擊破女真
一百三十五村斬四千九百四十級虜一千三十人乃
相地築英州雄州福州吉州咸州宜州及通泰平戎公
嶮鎮等九城使林彥作記勒功于英州廳壁又立碑于
公嶮鎮以爲界凱旋王賜功臣號迎勞之 案二年丁

亥爲康宗五年

罷九城之戍 史略文孝四年還女真九城初朴景緯金
漢忠皆以兵深入敵境多置城鎮爲難守禦尹瓘不聽
卒如其言再出師亦未免敗軍之責時羣議多不同王
猶豫未決諫議金緣曰人主之取土地本欲育民也今
爭城而殺人莫如還其地而息民王然之盡以九城還
之女真來謝獻金 案四年己丑爲康宗七年
命如右撒喝 右元作古是

卽當別議 史略文孝十二年改抱州爲義州防禦使以
鴨綠江爲界置關防金兵攻遼遼耶律甯與常孝孫等

牒我甯德城以來遠抱州三城歸之遂泛海而遁我兵入其城收兵仗錢穀甚多案十二年丁酉爲太祖天輔元年歸城事傳略

增築長城三尺史略文孝十四年增築長城三尺金邊吏發兵止之不從金主飭邊吏毋得侵軼生事

可常遣人偵伺史略文孝十八年癸卯王薨太子卽位謹楷字仁表睿宗子仁宗案此卽天輔七年亦天會元年

使習顯此上當加七年案下文稱先父國王當爲恭孝嗣位改元之癸卯歲

此與先文國王之書此北作比非文當作父案二

國盟誓未定訃報不通故有此誤

高隨斜野至命高隨等還案文五十八字又見表

同知南路都統鶻實荅奏至雖捷必罰案文五十四字又見紀

一依事遼舊制史略仁宗恭孝六年宋遣刑部尙書楊應誠等來諭假道迎問二帝于五國城王荅書曰若使節假道入境金必猜疑生事不敢奉命且附表以謝應誠不受而去案恭孝六年卽天會六年此事與本傳有涉故附錄

六年楷薨 史略恭孝二十四年丙寅王疾大漸傳位太子
子覲薨太子卽位字曰昇仁宗子毅宗

高麗使者別有私進禮物 案此事與宋史本傳紹興三年
崔惟清同

王覲弟翼陽公皓廢覲自立 史略毅宗莊孝二十四年
八月幸普賢院武臣鄭仲夫等殺扈從文官以王還宮
迎王弟翼陽公皓卽位放王于巨濟縣初金使來相金
敦中甚驗毅宗異之亦使人問曰寡人壽幾何使曰滿
朝臣盡逝然後有臨川之患及庚寅之亂文臣皆被害
而王亦遇淵上之變 又皓字之且毅宗母弟明宗

太宗正丞弘 太元作大是

其言與前表大槩相同 史略明宗光孝元年遣工部郎
中庾應圭如金作前王使上表告以讓位金主曰廢兄
篡位造飾虛詞欺罔上國合行天討應圭辯對不屈不
食五日立庭待命金主嘉其忠乃授回詔慰而送之仍
遣完顏靖詢問前王傳位事故王稱前王已避位出居
他所病篤不能就位拜命路又險遠非使者所宜往以
故不得見前王王乃具前王表附靖行 案光孝元年
辛卯卽世宗大定十一年世宗紀及本傳皆不載庾應
圭事史略似屬緣飾卽其事果眞亦篡賊之死黨耳何

忠之有

是歲十二月將盡 月北作年非

詔執徐彥甯等 執北作報非

王皓定趙位寵之亂遣使奏謝 史略光孝四年西京留
守趙位寵起兵討鄭仲夫李義方檄召西路諸城岳嶺
以北皆應之平章事尹鱗瞻率三軍至岳嶺與戰敗績
西兵陷和州西北郡皆陷後一年鱗瞻與將軍杜景升
元德秀等攻拔西京城斬位寵 案四年後一年爲大
定十五年王寂拙軒集送田元長接伴高麗奏告使詩
云蝸國弄兵貪裂地螳臣將命自呼天卽此

暉權國事

史略光孝二十七年秋九月崔獻宗廢王放

于江華立王弟平涼公旻改名暉靖孝元年金宣問使
孫侯來詰遜位事必欲親見前王授詔門下侍郎趙永
仁日前王養疾南州計程三十日乃至侯曰苟如是不
必親授遂傳于王

是歲皓薨

皓下當加廢泰和二年 史略靖孝五年前

王薨于昌樂宮 案五年壬戌爲章宗泰和二年

暉嗣立 史略暉字至華明宗弟神宗

王暉薨子諤嗣立 史略靖孝七年王患疽傳位太子移
御德陽侯邸薨 又孝成王諱德改諤字不陂神宗子

熙宗

詔從之 此下當加崇慶元年王讖廢漢南公禛嗣立

史略元孝王諱禛字大華明宗子康宗 又崔獻忠廢

王立漢南公貞改名禛康宗元孝元年遣中書舍人李

儀如金奉表請命金遣大理卿完顏惟基來冊立金使

欲入自儀鳳正門知奉事琴儀往諭曰天子巡狩方岳

自古有之若大國駐小國當入自何門耶使荅曰天子

出入捨中門而何儀曰然則人臣由正門可乎使屈乃

入西門

王讖薨嗣子未行起復 讖當作禛 案王讖廢後不詳

薨年此乃禛也據下文及史略可考 史略元孝二年

王不豫傳位于太子暉薨太子卽位 又安孝王諱瞰

字大明舊諱暉又改暉康宗子高宗 案安孝元年爲

宣宗貞祐二年

又不可以草土名銜署表 土北作上非

興定三年 案宣紀興定二年四月蒲察五斤表奏遼東

便宜阿里不孫貸糧高麗不應以兵掠其境上命五斤

詔諭使知興兵非上國意又表以詔付行省必闕出諭

貸糧開市二事傳略

然自是不復通問矣 史略安孝七年義州別將韓珣郎

將多智等殺其防守將軍以叛附東女真兵馬使金君
綏遣使寄書于元帥弓哥下誘誅之 案安孝七年爲
興定四年

國語解

官稱 都勃極烈 勃極烈已作貝勒滿洲語管理眾人
之稱下字董義同 案官志三字官長之皆稱撒改傳
云尊官也解云猶漢冢宰似附會

諸版 已作按班滿語大臣也舊作夷離畢 案熙宗諸
子傳贊漢語云尊官也官志云尊大之稱 案熙宗諸
官之尊且貴者 且北作漢非 案熙宗諸子傳贊漢語云尊官也官志云尊大之稱

國論 案此官獨有兼稱斜也兼昃撒改兼忽魯阿离合
懋兼乙室餘不多見

移賚 賚當作賚

乙室 已作伊實唐古特語智慧也 案與解迎迓之官
異

札失哈 當作阿舍 紀志傳

詳穩 已作詳袞索倫語理事官也 案說已見塗山傳
烏魯古 案官志羣牧注言滋息也

補 合札親軍也蒲里衍謀克之副 兵志 聞刺漢語行
人也 安禮傳 案 又官志詳穩注麼忽習尼昆

說已見官志 又官志詳穩注麼忽習尼昆

詳安禮傳

羣牧注掃穩脫朵並無解

人事 蒲陽温曰幼子 已作費揚古 案歡都胙王元

傳皆云幼弟也解小異

按荅海客之通稱 已作塔哈滿語客也 案元太祖紀

注按荅華言交物之友

什古乃瘠人 已作實庫乃滿語撒袋內襯格也解異

撒合輦鷲黑之名 已作薩哈滿語小園也解異

阿里孫 里下當加不

阿里喜圍獵也 案兵志士卒之副從

拔里速角觚戲者 已作巴爾斯滿語巴爾虎也

兀术曰頭 已作烏珠滿語頭也

粘罕心也 已作尼雅滿語心也又作尼堪滿語漢人

也 案宗翰傳本名粘没喝漢語譌為粘罕

石哥里 當作石里哥

烏古出方言曰再休 案本傳云殘忍非義

凡事之知者曰石倫 知元作先是 石北作后非

習矢 矢元作失是

補 僕驚漢語惡瘡也 世紀 搖手而拜為撒速 禮志 烏

魯幹魯注思版皆福壽語 烏魯傳 烏古迺厚有福

德 烏古出傳 子為阿渾 宗義果傳 賽喂好也 國志柳邊紀略甯

古塔俗尚少者遇老者于途必鞠躬垂手而問曰賽音賽音者漢言好也金史作賽痕夫

謂妻為薩那妻謂夫為愛根

附

大石

已作達什唐古特語吉祥也

烏祿

已作烏魯滿語是也

斜也

已作活

古迺

已作實古納滿語審問也

唐古

已作唐答滿語百數也

阿魯帶

已作喇

婆盧火

已作博勒和滿語潔淨也

阿木魯

已作額蘇倫蒙語梵

突呂不

已作圖魯卜蒙語形勢也

速魯

已作蘇魯克蒙語牧羣也

合住

已作和卓滿語美好也

孤頭

已作奎騰蒙語冷也

蒲捏

已作甯

羣也

毅英

已作固雲滿語才能也

孛迭兒

已作拜達勒蒙語形象也

咬查刺

已作伊札爾蒙語根源也

法心

已作佛神滿語柄也

涅兒

已作鄂

阻鞮

已作準布滿語提擲也

斛羅

已作呼魯滿語手背也

高琪

已作果勒齊滿語中心也

屋質

已作烏珍滿語重也

習捏

已作薩都拉

察八

已作徹伯爾蒙語廉潔也

脫出

已作達春滿語敏捷也

捨例

已作

罪孽也

哇

已作幹滿語氣味也

伯

已作拜蒙語不動之謂也

卜魯

已作

羊交十解

臣

罕 已作布爾罕 素温 已作索璉 高十 已作

滿語佛也 霸突魯 已作巴圖魯 鄯陽 已作善延

愛也 捺鉢 已作巴納滿 回离保 已作和勒博

也 刺履 已作拉里滿 木華黎 已作穆呼哩 敵列

已作迪里索 倫語頭目也

物象 案此條與下物類何異而分門陋矣中間改去太

神斜魯活臘胡三解入上人事其餘皆可與下物類併

為一條

忒鄰海也 已作特里蒙語齊整也解異

銀木可珠也 已作尼楚赫滿語珍珠也

沙刺衣襟也 已作舒嚕滿語珊瑚也解異

補 納葛里漢語居室也活羅漢語慈烏也 世紀 列鞞

腰帶也 謝里忽傳 必刺河稱 說見地志 又世宗紀

大定二十五年十一月速撒海無解

附 婁室 已作洛索滿語 達魯河 已作達倫滿 魯

不古 已作羅卜科 野里 已作伊爾滿 渾熟 已

瑋楚滿語 留幹 已作海和滿 散覲 已作索多

冰牀也 阿速 已作阿蘇 喝魯 已作赫嚕滿 粘

大翎也 沒罕 已作尼瑪哈 拽刺 已作伊喇 窩幹 已作

滿語袖 阿散 已作阿薩爾 矧思 已作舒蘇蒙

羊交十解

胡沙虎已作呼沙呼 實理門已作實勒們

阿興已作愛新 鬆哥已作蘇赫 粘合已作聶

鐵哥已作特爾格 秃刺已作圖刺 譎魯

不見已作烏蘭巴兒 斜軫已作色軫 白苔已

不兒已作烏蘭巴兒 斜軫已作色軫 巴葛刺已作喝布

抹只已作穆濟滿 懇篤已作罕都 蒲莧已作

補地志 得勝陀國言忽土皚葛蠻會甯 化成關國

言曷撒罕西曷蘇 東梁河國名瓦魯忽必刺遼

注 清河國名叩隈必刺垵塿 陷泉國言落字

魯臨潢 龍駒河國言喝必刺長泰 白灤國言

勺赤勒桓州 燕子城國言吉甫魯灣柔遠 苑

北羊城國言火唵柔遠 狗灤國言押恩尼要寶山

注 日月山國言捏里塞一山寶山 古北口國

言留幹嶺密雲 松亭關國言斜烈只灤州 合

斯罕關齊傳 居庸關國言查刺合攀昌平注

姓氏 此文全本陶九成輯耕錄為數三十有一皆譯姓

者 案世章兩朝詔女直人不得譯為漢姓如完顏曰

羊交上解

臣

王蒲察曰李石抹曰蕭移刺曰劉雖有譯語仍禁改稱
若徒單稱孟氏木要甲譌趙氏古里甲易吳氏烏古論
改劉氏女希烈孛術魯爲高氏耶律爲王氏此則不用
譯語竟自改稱故尤禁之也

金史詳校卷十

同治癸酉四月己酉朔烏程汪
日楨校寫于會稽學署說經堂

金史詳校卷末

烏程施國祁學

史論五答

楊拙園手錄全謝山與杭堇浦論金史五帖見示并書云
南宋雜著小種甚多而宋金二史率不取之識疑久矣比
讀謝山內外集見其引辯詳博有契於心錄呈備攷因作
此以荅之行間雜入小注亦以書事稍僻惟恐不出於人
之意時重光協洽壯月也

荅一

內集第三帖

金初國裏朝廷獨重部族卽君漢人不得廁其間雖劉彥
宗時立愛等能得君而居大位僅鎮平州燕京不入上京

其召入上京在帝左右者惟韓企先一人

後韓昉亦入上京侍熙宗

先於天會十二年拜右相奈紀文脫略

太宗紀天會十二年脫書拜右相事

熙宗紀皇統六年傳語盜襲

嫌田穀黨禍碑文多彙括語傳襲用之故止五百字

功多失詳

本傳世宗云企先關決大政不使外人覺知

第據入見時太宗驚異

有朕昔夢此人今果見之之語熙宗方位諳版視同四皓

其內廷祖孫授受明良際會密議良多惟是西京元帥功

高勢橫蔑視本朝隱為心腹大患夜半前席當必借籌及

之明年太宗崩熙宗即位幼主年少氣銳忌權畏逼日夕

刺心

不改元不立后不春水等事

設使調劑偶疏君臣間隙一開或致猖狂犯闕非若後日宗磐撻懶之叛可以一旅悉殄者會

粘罕一聞哀詔奔喪入朝

此事紀傳皆失載据集禮知當在二月乃一大關節

即留

任太保獨領三省隆王爵而放兵權猛虎入窠稍就束縛

又爾時武功將戢文治漸興朝章設施大典並舉

追論太祖崩葬太祖定三國朝儀太皇太后

雖其桀驁性成儼在駿

崩葬追尊九代祖頌大明曆等

奔未執異議

集禮十三年三月尊諡太宗右丞相宗翰攝中書令進冊九月尊諡徽宗右丞相宗翰攝

且自念勲業小就亦不肯輕肆狂謀迷其進退優柔

奉寶

饜飶盡枚兇鋒不二年而高劉伏法竟以隱忍沒地

十五年七月

乃知企先坐鎮中朝潛消默奪能使少主無殺大臣之

名而大臣得以功名終可謂得賢相之體審是而粘罕事

可知矣惟粘罕之待宋人貪暴已極南人恨之入骨意謂

必受惡報誰料其得保首領以歿而好事者張匯金因撰
造牙軍一敗獄中一書粘罕獄中上書云臣聞功大則謫
之論以周公之聖也當成王即政之日以言其業則未盛
也功立其時則未太平也以言其勤勞王家公之功德編于
詩書流傳于天下自古及今于世無媿焉尚有四國流言
誅弟之過也况後世不及周公者乎臣今所慮者輒敢辨
于陛下念臣老矣臣于天會之初從二先帝破遠攻宋兵
無五萬之眾糧無十日之儲長驅遠入旌旗指處莫不請
命降遼宋二主及血屬並歸囚虜遠宋郡邑歸我版圖方
今東瀕大海西徹狼溪南連交廣北抵室韋罔不臣妾然
以大金創基洪業繼治盛朝先帝所委臣之力也又扶持
陛下幼冲以臨大寶南面天下成王之勢也臣在陛下下
于周公之日賴成王之罪御林牙兵忽爾猖獗干冒陛下
其情臣再陳前日之罪御林牙兵忽爾猖獗干冒陛下
臣出師之任臣受命竭竭沙黨復交攻几三晝夜勝負
指日可定不期耶律潛伏沙黨復交攻几三晝夜勝負
未分猶可力戰奈村克糧草已罄人馬凍死御林牙兵知

我深入重地前不樵蘇後又糧斷所以王師失利又副將
外家心生反逆背負朝廷外家之反叛有其由也知父兄
妻子並作御林牙軍兩軍發難其外家將軍下數千騎自
亂我軍使臣不得施此大敗之罪也非臣怠慢願陛下察
臣之肝膽念臣有立國之功陛下有繼統之業貸臣媿陛
下之命嗚呼功成名遂身退天之功也臣嘗以此志貪戀陛
下之聖意眷慕陛下之宗廟躊躇猶豫以至于此使臣伊
呂之功反當長樂之禍願陛下釋臣縲紲之難成臣五湖
之游誓竭汗以卑辭并高慶裔臨刑數語慶裔臨刑粘罕
犬馬之報某言事豈至今日誣為謀反確證必使身敗名
裂而後已特不知牙軍何賊戰敗何地逞茲小醜何勞都
帥親征偶爾小負何遽大功鐫沒又書所引成王周公交
廣五湖等字繆陋不堪乃南宋蒙師之稍能把筆者為之
即慶裔之語不過宵小私恩勸其初不奔喪繼乞西帥免

宋史論答

受朝廷節制耳抑不知果有此語否豈得卽以謀反陷之乎且諦觀荅詔意旨下粘罕詔門下先王制賞議罰賞所以褒有功非濫恩也罰所以誅有罪非溢怒也朕惟國相粘罕輔佐先帝曾立邊功迨先帝上仙朕繼承丕業眷惟元老俾董征誅不謂持吾重權陰懷異議國人皆曰可殺朕躬非敢私狗奏對悖慢理當棄磔以彰厥過嗚呼四皓出而復興漢室二叔誅而再造周基去惡用賢其鑒如在與獄書風馬不涉此乃誅撻懶二年布告中外咸使聞知入詔文傳會成獄者文云曾立邊功指撻懶六部都統事粘罕不止邊功也眷惟元老指其屬尊非必高官陰懷異議指其倡議以河南地與宋獄書辨冤有何異志皆曰可殺指上變者二叔卽宗磐宗雋七月四皓卽企先皆援實事非泛引也或曰能造僞書不能撰僞詔乎非也宋金誓

約凡大詔令兩界必有關牒故藉詞牽合以陰賊之則可若竟杜撰奈當日耳目何又威烈皇帝本傳不載不知兀朮亦謚昭烈皇帝見征蒙記皇統濫爵已爲正隆削降又或以熙宗厭惡老臣夫粘罕豈止厭惡哉然天眷以來熙宗尙未酒荒至其孫秉德復爲右相乃中海陵奸謀是時眞酒荒矣大抵宋人承紀遼餘習元好問耶律貞銘通鑑長編及正遼錄北顧備問等書多敵國誹謗之詞可盡信耶其說金事之謬有三一曰傳聞一曰附會一曰誹謗皆不甚足憑史世紀凡叢言松漠紀聞張棣志等書皆無足取而數百年讀書人多惡視金源左袒南宋每得無稽之野史其尤謬者鈔本無名氏竊憤南遷二錄子金源雜興第二卷僞書詩中深斥之卽刊本宇文懋昭大金國志亦不可盡信咸喜

羊交長論荅

談而樂道之而金史又多脫略嫌諱尤非易讀讀者稍加
涉獵輒嗤爲疏謬雖大家不免卽此誣獄一事熙宗紀中
宗翰傳後本無可載無已因細疏熙宗初政右相韓企先
當日事狀作粘罕對證其誣可立辨矣予雜興第一卷粘罕誣獄詩注已略
言惟以獄書爲江南蒙師所撰荅詔自屬撻懶無與粘罕
事爲作僞者竄合古來未經道破此係鄙解不識有當否

荅二 外集第一帖

范石湖高宗輓詩注載亶亮二主皆在聘使中帖云語甚
荒唐是也攷弔伐錄金初與宋通使例遣孛堇一人遼渤
海各一人專取桀黠有口辯者借官以出惟時郎君總事

貴重卿相拜不爲禮豈肯輕使下國故熙宗皇統以前入
宋者並無完顏與主亶已自無涉更据交聘表原表甚略用鄙著本

皇統二年至海陵天德二年多在紹興時完顏使宋者凡

九人二年三月冊宋使禮部尙書宗表無傳宗室表宗字

兄弟行二十六人中無此名係同部人梓宮使點檢賽里

宋高紀乃幹魯孫見本傳末三年十一月賀正使宣徽華

宋楊愿無傳表亦無名亦部人五年四月生辰使點檢宗

尹乃幹論子有傳七年四月生辰使點檢卞爲太宗後表

云世次無攷北京留守見海紀宗本傳與列傳者不同十一月正旦使

點檢宗藩無傳二十六人中無此名亦部人天德二年正

月報諭使指揮思恭卽思敬石土門子有傳二月生日使
兵部尙書元宜乃耶律氏賜姓俗呼勸農使者見逆臣傳
自此至紹興末遂無之與主亮又奚涉哉惟天德元年十
二月賀正使黜檢充本名梧桐時海陵方行弒逆畏宋伐
謀重其事故遣親弟因在都亭病亟不克入賀遣使追回
以副使劉箴代行蓋因此事致有附會之說第石湖究以
使事未實此詩竟不經進改本以呈是條辨正已與劉一
止茗溪集陸放翁劍南集等詩辨略載入金源雜興第一
卷齊國劉豫詩注矣

卷三 外集第二帖

宇文虛中兩傳金史以才負謗死宋史以忠被誣死說者
多據在金三詩以證其忠豈知三詩非出于一時不盡然
也其一云云滿腹詩書漫古今頻年流落易傷心南冠終
日囚軍府北雁何時到上林開口摧顏空抱
朴脅肩奔走尙腰金莫邪利劍今誰在不斬奸邪恨最深指恨王時雍耿南仲輩庸奸
誤國爲天會四年計議使被留時作其二云云遙夜沈沈
滿幕霜有
時歸夢到家鄉傳聞已築西河館自許能肥北海羊回首
兩朝俱草莽馳心萬里絕農桑人生一死渾閒事裂背穿
曾不益痛微欽北狩辭氣悲壯似有狗節之意爲六年所
請使再留未降時作無如金人優廩宋官糜以好爵王繪
甲寅
通和錄載李聿興言本朝制度多是宇文
相公所定真是喜歡時復支賜宅舍都滿
虛中自念故國
已非新恩甚渥遂爾負才惜死忍汗朝命卽有議禮制度

苔粘罕詔書武元碑撰增謚冊文見集禮等事其三云云不堪
垂老尚蹉跎有口無詞可奈何強食小兒猶解事學妝嬌女最憐他故衾愧見霽秋雨短褐甯忘折海波倚杖循環如可待未愁乃皇統初家屬北歸後作益虛中去國已十來日苦無多
餘載春來何處風吹不歸王灼碧鷄漫志有詞云寶幡彩識春來處天際雁江邊樹故國鶯花問誰主舊許為牧羊歎憔悴幾番羈旅把酒祝東風吹取人歸去
之蘇今改而為循環之李英雄氣短兒女情長尤無俚之甚矣且金人以遼亾不懼遼故二韓相繼入相宋未亾尙懼宋故宇文輩止領閒職不假重權何自有國師之命陰結死士謀挾故主南奔之事其當辨者凡有五焉自廢齊差除後酈李孔徐張趙諸將馬祝馮李諸官散處各路少

主又居上京皆遠隔百千里外不知所約何時何地一也
又金人謀知南朝深鑒明受之禍因流言少主脅制高宗彼岳武穆尙以小皇一奏觸忌斃獄果使虛中挾之南歸實逼較甚何處頓放其才且出海陵下我知斷不爲此二也又諸書言兵仗南奔先發不克似以兵死者而宋傳被誣焚死乃與金傳略同三也又言連結中外官守多至七十餘人何以鞫治時其家一無書字蹤跡止取圖書爲反具四也周益公二跋亦祇痛宇文以流言掇禍一門并命極表其忠深著賊檜之惡乃謂虛中真有鴈足帛書而不得遂夫諸留人刺事上京張孝純獻策中州皆達臨安試

問此書果誰寄之而誰復得之耶說更誣矣五也要之宋
事無徵而金史之言謗訕則可據蓋宋人南渡受侮已極
朝野冤聲尤多著錄土印活板濫刻甚眾傳本之入北者
大率叫囂怒罵慢侮北人之語宇文家籍良必有之卽訪
書爲反具抑復何疑更攷虛中入金所著不槩見可見者惟此三
詩一惟劉壘隱居通議載北人龍波子琴譜一序語極擲
掄口角竊意龍波當爲虛中晚年自號龍溪之譌故定爲
宇文作亦可据之一節也善夫椒邱何氏曰金人得于所
見而不能無所諱宋人得于所聞而亦未究其心要難與
死節者比此論最合豈有舍洪忠宣朱觀如之鄙棄爲未

實而反据程宏圖之疏李大諒之記爲足憑乎後之說者
當詳味三詩核諸時事思過半矣高士談在金曾撰飲仁
謚冊文最佳見集禮又篆固礪墓額見松漢紀聞及藏金儒鳴玉
寶琴者見雲煙過眼錄亦虛中一流人而以爲同謀則非也

荅四 外集第四帖

于侍郎欽非地志家著齊乘一書多臆說卽志濟南豈獨
劉豫墓蠹哉顧亭林山東攷古錄指其誤華不注爲靡笄
誤平臺城爲故軍不識漢志句讀以鄒縣改鄒平不識晉
志闕文以梁鄒入鄒縣不識唐志錯刻以營城爲營城又
元魏城西之大明湖謂卽宋城內之大明湖唐之雒山湖

亭謂卽宋城上之雒山亭引水經湖水側城北注文下卽
接上承東城歷下泉語湖歷相混歷城志並詆之是也又
言金初劉豫置濟陽縣大定六年避金主允濟諱改曰清
陽夫以皇子諱改縣名必無此例史志亦無改清陽之文
且允濟終于太子未爲金主況在世宗朝而豫稱太子爲
金主有是理乎去金亾不數十年其帝系已誤矣惟記濟
南讀書堂有王秋澗題當年齊相讀書堂此日金華表佛
幢碧色尙餘書帶草綺疏猶是聚螢窗一詩是爲豫作他
無可證竊意雒山墓蠹固屬譌傳而御莊石馬自在必謂
上京兩世不能歸骨阜城亦非篤論蓋阜昌諸孫有千戶

暉權府事恩總管濟等見于遺山集賦山水及書懷
詩又江城子詞學古
錄福建總
管墓碑二書載其世爲大名人土著尙如舊也更攷松
雪集有送于思容詩云若到濟南行樂處城西泉上最關
情題爲山東廉訪照磨正其官所著書時乎

荅五 外集第五帖

河渠志載始于大定初年故云金克宋兩河悉畀劉豫豫
亾入金數十年決塞遷徙無定亦知熙海二朝曾有河事
多順文略去而天會間劉豫事尤不數及若非齊乘載其
堰灤水分響河以益小清則阜昌治績墟矣惟于氏以導
灤水爲導小清并改大清爲古濟水則大非蓋北清河故

道濟水最南漯水在中河水最北禹貢雖指引黃子此古鴻說與閩百詩同來河流遷變之大端亦古來志水家承傳之經論豈可以臆見撰造漫誣後人哉鄙著詳校中自引齊乘堰灤外略采諸書如大金國志李固渡一則夷堅志陽武下埽一則齊乘馬車瀆一則爲皇統時事中州集劉迎河防行一則爲正隆時事並據原文注入小小補綴難免罅漏謬承足下愛我錄文備攷敢不竭所見以對奈諸書自寓災被焚後無由再輯如上數篇半從記憶而得畫影樞題何以仰副盛意足下今之謝山弟其敢謬承堇浦耶中有未是處幸更有以教我

金史詳校卷末

羊文長論卷

同治癸酉四月巳酉朔烏程汪日慎校寫于會稽學署說經堂



